





**ПОСЛЕДОВАНИЕ СЛУЖБЫ  
БЛАГОВЕЩЕНИЯ  
ПРЕСВАТЫА БОГОРОДИЦЫ  
В ВЕЛИКУЮ СУББОТУ**



## Последование вечерни Святаго и Великаго пятка, в соединении с вечерней Благовещения.

(Совершается великая вечерня отдельно от утрени)

**Возглас:** Благословен Бог наш:

**Чтец:** Аминь. Слава Тебе Боже наш, слава Тебе. Царю Небесный: Трисвятое.  
**По Отче наш:** возглас: Яко подобает: **Чтец:** Аминь. Господи помилуй (12). Слава, и  
ныне. Приидите поклонимся: и псалом 103.

По псалме ектенія великая.

На Господи возвах: поставим стихов 10 и поем стихиры Триоди 6,  
и праздника, 4.

Стихиры Триоди, глас 1:

**Стих:** Изведи из темницы душу мою/ исповедатися имени Твое-  
му.

**В**ся тварь изменяшеся страхом,/ зрящи Тя на Кресте  
висима, Христэ:/ солнце омрачашеся, и земли основания  
сотрясахуся:/ вся сострадаху Создавшему вся./ Волею нас  
ради претерпевый, // Господи, слава Тебе.

**Стих:** Мене ждут праведницы,/ дондеже воздаси мне.

**В**ся тварь изменяшеся страхом:

**Стих:** Аще беззакония назириши, Господи, Господи, кто постоит?/  
Яко у Тебе очищение есть.

Глас 2:

**Стих:** Из глубины возвах к Тебе, Господи,/ Господи, услыши  
глас мой.

**Л**юдие злочестивии и беззаконнии,/ вскую поучаются  
тщетным?/ Вскую Живота всех на смерть осудиша?/ Велие  
чудо,/ яко Создатель мира в руки беззаконных предаётся,/ и на древо возвышается Человеколюбец:/ да яже во аде юзники  
свободит, зовущия:// долготерпеливе Господи, слава Тебе.

**Стих:** Да бѹдут ѹши Твоѹ/ внѣмлюще гла́су моле́ния моего́.

**Д**несь зрящи Тя Непоро́чная Дѣва/ на Крестѣ, Сло́ве, возвыша́ема,/ рыда́ющи Ма́тернею утробо́ю,/ уязвля́шеся се́рдцем го́рце,/ и стѣня́щи боле́зненно из глубины́ души́,/ лице́ со власы́ терза́ющи./ Тѣмже и пе́рси би́ющи взыва́ше жа́лостно:/ увы́ Мне, Божѣ́ственное Ча́до!/ Увы́ Мне, Све́те ми́ра!/ Что заше́л еси́ от о́чию Моёю, Агнче Бо́жий?/ Тѣмже во́инства безплóтных,/ трѣпетом содержи́ми бя́ху, глаго́люще:// непости́жѹ Го́споди, сла́ва Тебе́.

**Стих:** Аще беззако́ния на́зриши, Го́споди, Го́споди, кто посто́ит?/ Яко у Тебе́ очище́ние есть.

**Н**а дре́ве ви́дящи ви́сима, Христе́,/ Тебе́ всех Зижди́теля и Бо́га,/ безсе́менно Ро́ждшая Тя вопия́ше го́рько:/ Сы́не Мой, где добро́та за́йде зра́ка Твоего́?/ Не терплю́ зре́ти Тя непра́ведно распина́ема:/ потщи́ся ѹбо воста́ни,/ я́ко да ви́жу и Аз// Твое́ из ме́ртвых тридне́вное Воскресе́ние.

Глас 6.

**Стих:** И́мене ра́ди Твоего́ потерпе́х Тя, Го́споди, потерпе́ душа́ моя́ в сло́во Твое́,/ упова́ душа́ моя́ на Го́спода.

**Д**несь Влады́ка тва́ри предсто́ит Пилату,/ и Кресту́ преда́ется Зижди́тель всех:/ я́ко а́гнец приводи́мь Своёю во́лею,/ гвоздьми́ пригвожда́ется,/ и в ре́бра пробода́ется,/ и гу́бою напо́яется ма́нну одожди́вый,/ по лани́те зауша́ется Изба́витель ми́ра,/ и от Свои́х раб поруга́ется Созда́тель всех./ О Влады́чняго человеколю́бѹ!/ О распина́ющих моля́ше Своего́ Отца́, глаго́ля:/ Отче, оста́ви им грех сей:/ не ве́дят бо беззако́ннии, что непра́ведное содева́ют.

Таже стихиры праздника, 4, глас 6.

Подобен: Все отложше:

**Стих:** От стра́жи ѹтренния до но́щи, от стра́жи ѹтренния,/ да упова́ет Изра́иль на Го́спода.

**С**ове́т превѣ́чный/ открыва́я Тебе́, Отрокови́це,/ Гаври́ил предста́,/ Тебе́ лобза́я и веща́я:/ Ра́дуйся, земле́ нена́се́янная;/ ра́дуйся, купино́ неопали́мая;/ ра́дуйся, глубино́

неудобозрѣмая;/ радуйся, мѡсте, к Небесѣм преводѣй,/ и лѣствице высѡкая,/ юже Иаков вѣде;/ радуйся, Божественная стѣмнѡ мѡнны;/ радуйся, разрѣшеніе клятвы;/ радуйся, Адамовѡ воззваніе: с Тѡбѡю Господѣ.

**Стих:** Яко у Господа мѡлѡсть и многѡе у Него избавленіе:/ и Той избавит Израїля от всех беззаконій его. **(Таяжде стихира.)**

**Стих:** Хвалите Господа, вси языцы,/ похвалите Его, вси людие.

**Являеши** Мнѣ, яко человек,— / глаголет нетлѣнная Отроковица ко Архистратѣгу,— / и како вещаеши глаголы пѣче человека?/ Со Мнѡю бо, рѣкл еси, Бѡгу быти/ и вселитися во утрѡбу Мою./ И како буду, глаголи Ми,/ вместилище пространное и мѣсто священія/ Херувимы превосходящаго?/ Да не прельстиши Менѣ лѣстию,/ не бо познах сласти, браку есмь непричастна,// како убо Отрѡчѣ рождѣ?

**Стих:** Яко утвердися мѡлѡсть Его на нас,/ и истина Господня пребывает во век.

**Бог** идеже хѡщет,/ побеждается естества чин,— / глаголет безплѡтнѣй,— / и яже пѣче человека содеваются,/ моим веруй истинным глаголом,/ Всесвятѣя Пренепорѡчная./ Она же возопи: Буди Мнѣ нынѣ по глаголу твоѣму,/ и рождѣ Безплѡтнаго,/ плоть от Менѣ заимствовавшего,/ яко да возведѣт человека,/ яко един силен,// в первое достояніе срастворѣніем.

**Слава Триоди, глас тойже, самогласен:**

**О** како беззаконное сѡнмище,/ Царѣ твѣри осуди на смерть!/ Не устыдѣвся благодеянія,/ яже воспоминаѣя предутверждаше, глаголя к ним:/ людие Мои, что сотворих вам?/ Не чудес ли исполних Иудѣю?/ Не мертвецѣ ли воскресих единым слѡвом?/ Не всякую ли болѣзнь исцелих и недѣг?/ Что убо Ми воздаетѣ?/ Вскѡю не помните Мя?/ За исцелѣнія рѡны Мнѣ наложивше,/ за живѡт умерщвляюще, вѣшающе на дрѣве,/ яко злодѣя, Благодѣтеля:/ яко беззаконна, Законодавца;/ яко осужденна, всех Царѣ.// Долготерпеливе Господи, слава Тебѣ.

И ныне праздника, глас тойже:

**По́слан бысть с Небесé Гаври́л Арха́нгел/ благовести́ти  
Де́ве зача́тие/ и, прише́д в Назаре́т,/ помышля́ше в себе́,  
чудеси́ удиви́аяся:/ о, ка́ко, в Вы́шних непости́жим Сый от  
Де́вы ражда́ется!/ Име́яй престо́л Не́бо и подно́жие зéмлю/  
во утробу́ вмеща́ется Девíчу!/ на Него́же шестокрилати́и  
и многоочи́тии зрети́ не мо́гут,/ сло́вом еди́нем от Сея́  
воплоти́тися благоизво́ли./ Бо́жие есть сло́во настоя́щее./  
Что у́бо стою́ и не глаго́лю Де́ве:/ Ра́дуйся, Благода́тная,  
Госпо́дь с Тобо́ю;/ ра́дуйся, Чи́стая Де́во;/ ра́дуйся, Невéсто  
Неневéстная;/ ра́дуйся, Ма́ти Живота́, // благослове́н Плод  
чре́ва Твоего́!**

И абие бывает вход со Святым Евангелием. Свёте Тíхий:

**Посем диакон глаголет: Вóнмем. Иерей: Мир** всем.

**Диакон: Премúдрость, вóнмем. Прокíмен, глас четвёртый: Раздели́-**  
**ша ри́зы Моя́ себе́,/ и о оде́жди Моéй мета́ша жре́бий.**

гарм. О. Мартынова

**Стих:** Бóже, Бóже мой, вонмí ми, вскúю остáвил мя есí?

**Диакон:** Премúдрость. **Чтец:** Исхóда чтéние. **Диакон:** Вóнмем.

(Чтется паремия Триоди)

**Посем диакон:** Вóнмем. **Прокíмен,** глас четвérтый:

**Судí, Гóсподи, обíдящия мя,/ поборí борю́щия мя.**

Су - ди, Гос - по - ди, о - би - дя - щия - я мя,  
по - бо - ри бо - рю - щия - я мя.

**Стих:** Приимí ору́жие и щит, и востáни в пóмощь мою́.

**Диакон:** Премúдрость. **Чтец:** Иова чтéние. **Диакон:** Вóнмем.

И чтутся инии паремии Триоди.

Таже паремии праздника, 5, зри в Минее.

**Посем диакон:** Вóнмем.

**Чтец:** Прокíмен, глас шестýй:

**Положи́ша мя в рóве преиспóднем,/ в тёмных и сени смёртней.**

Положиша мя в рове преиспод-нем, в тем-ных и се-ни смерт - - - ней.

**Стих:** Гóсподи Бóже спасéния моего́, во дни воззвáх и в но́щи пред Тобóю.

**Диакон:** Премудрость.

**Чтец:** К Коринфяном послания святого апостола Павла чтение.


**Диакон:** Вонмем.

(Чтется Апостол Триоди)

**Священник:** Мир ти. **Чтец:** И духови твоему.

**Диакон:** Премудрость.

**Чтец:** Аллилуйя, аллилуйя, аллилуйя, глас 1.



**Стих 1:** Спаси мя, Боже, яко внидоша воды до души моея.

**Стих 2:** Поношение чаяше душа моя и страсть.

**Стих 3:** Да помрачатся очи их, еже не видети.

**Диакон:** Премудрость, прости, услышим Святого Евангелия.

**Священник:** Мир всем.

**Лик:** И духови твоему.

**Диакон:** От Матфея Святого Евангелия чтение.

**Лик:** Слава Тебе, Господи, слава Тебе.

(Чтется Евангелие Триоди)

**Лик:** Слава Тебе, Господи, слава Тебе.

Таже ектения сугубая: Рцем вси:

Посем глаголет чтец: Сподоби, Господи:

Таже ектения просительная.

И поем стиховныя стихиры подобны 4, глас 2:

**Егда** от древа Тя мёртва,/ Аримафэй снят всех Живо-  
та,/ смирною и плащаницею Тя, Христэ, обвив,/ и любовию  
подвизашеся,/ сердцем и устнами,/ Тело нетленное Твое  
облобызати./ Обаче одержимъ страхом,/ радуясь вопияше  
Ти:// слава низхождению Твоему, Человеколюбче.

**Стих:** Господь воцарися, в лепоту облечёся.

**Е**гда во гробе нóве/ за всех положился еси, Избáвителью  
всех,/ ад всесмехливый вíдев Тя ужасéся,/ вереи сокру-  
ши́шася,/ сломи́шася вратá, грóби отверзо́шася,/ мёртвии  
воста́ша./ Тогда́ Ада́м благодарственнó/ раду́яся вопи́яше  
Тебе́:// сла́ва снизхожде́нию Твоему́, Человеколю́бче.

**Стих:** Ибо утверди́ вселенную,/ я́же не подви́жится.

**Е**гда во гробе плóтски/ хотя́ заключился еси́,/ И́же  
естество́м Божества́ пребыва́яй неопи́санный/ и неопре-  
делённый,/ сме́рти заключи́л еси́ сокрови́ща,/ и а́дова вся  
исто́чил еси́, Христé, ца́рствия:/ тогда́ и суббо́ту сию́/  
Божéственнаго благословéния и сла́вы,// и Твоея́ свéтлости  
сподо́бил еси́.

**Стих:** До́му Твоему́ подобáет святы́ня, Го́споди,/ в долготу́  
дний.

**Е**гда си́лы зря́ху Тя, Христé,/ я́ко прелéстника от безза-  
ко́нных оклевета́ема,/ ужаса́хуся неизглаго́ланному долго-  
терпéнию Твоему́,/ и ка́мень грóба рука́ми запечатанный,/   
и́миже Твоя́ нетлénная ре́бра прободо́ша,/ о́баче нашему́  
спасéнию/ раду́ющеся вопи́яху Ти:/ сла́ва снизхожде́нию  
Твоему́,// Человеколю́бче.

**Слава, праздника, глас 4:**

**Д**несь ра́дость благовéщения,/ дéвственное торжество́,/   
ни́жняя с Вы́шними совокупа́ются./ Ада́м обновля́ется,/   
и Ё́ва пéрвыя печа́ли свобожда́ется,/ и сень нашего́ суще-  
ства́,/ обоже́нием приéмшаго сме́шение,/ Це́рковь Бо́жия  
бысть./ О, та́инство! о́браз исто́щания неведóмь,/ бога́тство  
благости́ несказáнно:/ А́нгел служит чудеси́,/ Деви́ча утроба́  
Сы́на приéмлет,/ Ду́х Святы́й низпосыла́ется,/ Оте́ц свы́ше  
благоволи́т,/ и изменéние о́бщим твори́тся сове́том,/ в нёмже  
и и́мже спáсшеся,/ вку́пе с Гаврии́лом к Дéве возопи́м:/   
раду́йся, Обра́дованная,/ из Нея́же спасéние – Христóс Бог  
наш,/ éже по нам приéм естество́, к Себе́ возведé./ Того́ моли́  
спасти́ся душа́м на́шим.

И ныне, Триоди, глас 5:

**Тебѣ** одѣющагося свѣтом яко ризою,/ снем Иосиф с дрѣва с Никодимом,/ и видев мѣртва, нага, непогребѣна,/ благосѣрдный плач восприим,/ рыдая глаголаше:/ увѣ мне, сладчайший Иисусе,/ Егѣже в малѣ солнце на Крестѣ висима узрѣвшее/ мраком облагашеся,/ и земля страхом колебашася,/ и раздирашеся церковная завѣса:/ но се ныне вижу Тя,/ мене ради волею подъемша смерть./ Како погребу Тя, Бѣже мой?/ Или какою плащаницею обвию?/ Кѣима ли рукама прикоснуся нетленному Твоему Тѣлу?/ Или кѣя пѣсни воспѣю Твоему исходу, Щедре?/ Величаю страсти Твоя,/ песнословлю и погребѣние Твое со воскресѣнием, зовый:// Господи, слава Тебѣ.

При пении Тебѣ одѣющагося: отверзаются Царския врата и предстоятель с диаконом совершают троекратное каждение вокруг Престола с лежащей на нем Плащаницей.

Таже чтец глаголет: Ныне отпускаеши:

Трисвятое: по Отче наш:

Священник: Яко Твое есть Царство:

Лик: Аминь.

Тропарь праздника, глас 4:

**В**неси спасѣния нашего главѣзна,/ и еже от вѣка таинства явлѣние,/ Сын Бѣжий, Сын Дѣвы бываѣет,/ и Гавриил благодать благовествует,/ тем же и мы с ним Богородице возопиим:/ радуйся, Благодатная, // Господь с Тобѣю.

Слава, и ныне:



на велицей вечерни

0 - - - - - сиф,

The first system of the musical score is written for two staves, treble and bass, in the key of D major (two sharps). The melody is primarily in the treble staff, featuring a series of eighth and sixteenth notes, with some rests. The bass staff provides a harmonic accompaniment with longer note values. The lyrics '0 - - - - - сиф,' are positioned below the staves.

с дре - ва снем Пре - чис - то -

The second system continues the musical piece. The treble staff has a whole rest at the beginning, followed by a melodic line. The bass staff continues with its accompaniment. The lyrics 'с дре - ва снем Пре - чис - то -' are written below the staves.

е Те - - - - - ло Тво - е, пла -

The third system of the score shows the continuation of the melody and accompaniment. The lyrics 'е Те - - - - - ло Тво - е, пла -' are placed under the corresponding musical notes.

ща - ни - це - ю чис - то - ю

The fourth system of the musical score features the lyrics 'ща - ни - це - ю чис - то - ю' written below the staves.

об - - - - - вив и

The fifth and final system of the score on this page shows the lyrics 'об - - - - - вив и' at the bottom.



Во время пения тропаря Благообразный Иосиф: предстоятель полагает себе на голову лежащее на Плащанице Евангелие и поверх его самую Плащаницу, поддерживаемую сослужащими иереями. Они идут вокруг Престола через горнее место в северную дверь, износят Плащаницу на средину храма и полагают на уготованном месте. Предстоятель с диаконом совершают каждение окрест Плащаницы трижды.

По пении тропарей произносится проповедь.

Посем диакон: Премудрость. Лик: Благослові́.

Священник: Сый благословен Христос Бог наш, всегда, ныне и присно, и во веки веков.

Лик: Аминь. Утверди́, Бо́же, святу́ю правосла́вную ве́ру, правосла́вных христиа́н во век ве́ка.

Священник: Пресвята́я Богоро́дице, спаси́ нас.

Лик: Честне́йшую Херуві́м:


Священник: Сла́ва Тебе́, Христэ́ Бо́же, Упова́ние на́ше, сла́ва Тебе́.

Лик: Сла́ва, и ны́не: Го́споди, поми́луй. (Трижды) Благо-слові́.

Священник глаголет отпуст: Иже нас ра́ди челове́ков:

Лик: Вели́каго Господі́на:

(По устойчивой приходской практике молебный канон на плач Богородицы-перед плащаницей читается не на малом повечерии, а после проповеди или после отпуста вечерни)



# Во Святую и Великую Субботу

## Последование утрени

Собравшимся в храм, творим начало утрени обычное, на нем же и двупсалмие глаголем.

На Бог Господь: поем тропари, глас 2:

Бог Гос - - - подь и я -

ви - ся нам, я - ви - - - ся нам,

бла - го - - - сло - - - вен

Гря - дый во И - мя Гос - под - - - - не.

## В Великую Субботу

Бла - го - об - раз - ный И -

The first system of the musical score is written for a piano. It consists of two staves, treble and bass, with a key signature of two sharps (F# and C#). The melody is primarily in the treble staff, featuring a series of chords and single notes. The lyrics are written below the notes: 'Бла - го - об - раз - ный И -'.

о - - - - - сиф

The second system continues the musical piece. It features a long, flowing melody line in the treble staff, with a large slur covering several measures. The bass staff provides a steady accompaniment. The lyrics are 'о - - - - - сиф'.

с дре - ва снем Пре - чис - то -

The third system of the score shows a continuation of the melody. The treble staff has a series of chords and single notes, while the bass staff provides a steady accompaniment. The lyrics are 'с дре - ва снем Пре - чис - то -'.

е Те - - - - ло Тво - е, пла -

The fourth system of the score continues the melody. The treble staff has a series of chords and single notes, while the bass staff provides a steady accompaniment. The lyrics are 'е Те - - - - ло Тво - е, пла -'.

ща - ни - це - - ю чис - то -

The fifth and final system of the score shows the concluding part of the melody. The treble staff has a series of chords and single notes, while the bass staff provides a steady accompaniment. The lyrics are 'ща - ни - це - - ю чис - то -'.

Ю об - - - - - вив и

во - - - - - ня ми, во гро - бе

но - ве по - крыв по - ло - жи.

Ег - да сниз - шел е - си

к смер - ти, Жи - во - те Без - смерт - - -

## В Великую Субботу

ный, тог - да ад у - мерт -

вил е - си блис - та - ни - ем Бо - жест - ва.

Ег - да же и у - мер - ши -

я от пре - ис - под - них вос - кре - сил е - - - си,

вся си - - - лы не - бес - - ны -

я взы - ва - - - - ху: Жиз -

но - - - - дав - - - - че Хрис - те Бо - же

наш, сла - - - - ва Те - бе.

на утрени

Сла - ва От - цу и Сы - - -

ну, и Свя - то - му Ду - - - - ху.

## В Великую Субботу

Ми - ро - но - си - цам же - нам при гро -

бе пред - став ан - гел во - пи - я - - - - - ше:

ми - - - - - ра мерт - - - - -

вым суть при - лич - - - - - на, Хрис -

тос же ис - - - - - тле - - - - - ни -

Муси́ка

вы́м сущь при - лич - - на, Хрис -

тос же ис - - тле - - ни -

я я - ви - - ся чуждь.

И ныне: (поскору)

Тропарь праздника, глас 4:

**В**несь спасения нашего главизна, / и еже от века таинства явление, / Сын Божий, Сын Девы бывает, / и Гавриил благодать благовествует, / тем же и мы с ним Богородице возопиим: / радуйся, Благодатная, // Господь с Тобюю.

Во время пения тропарей священник совершает каждение всего храма.

И начинаем пети непорочны со сладкопением, также по стиху, во глас 5.

Статья первая:

Бла - го - сло - вен е - си, Гос - по - ди, на - у - чи мя

о - прав - да - ни - ем Тво - - - им.


Блажени непорочнии, в путь ходящие в зако - не Гос - под - - - ни.

Жизнь во гро - бе по - ло - жил - ся е - си, Хрис - те,

и ан - гель - ска - я во - ин - ства у - жа - са - ху - ся,

сниз - хож - де - ни - е сла - вя - ще Тво - - - е.

Блажени испытующии свидения Его всем серд - цем взы - щут Е - го.



**Велича́ем Тя, Иису́се Царю́, и чтем погребéние и страда́ния Твоя́,  
и́миже спасл еси́ нас от ислéния.**

**Ты заповéдал еси́/ за́поведи Твоя́ сохра́нити зело́.**

**Ме́ры земли́ положи́вый, в ма́лом обита́еши, Иису́се Всецарю́, грóбе  
днесь, от гробóв ме́ртвых возставля́яй.**

**Дабы́ исправи́лися пути́е мой, / сохра́нити оправда́ния Твоя́.**

Иисусе Христэ мой, Царю́ всех, что ища́ к су́щим во а́де пришёл еси́? Или́ род отрешити́ челове́ческий?

**Тогда́ не постыжуся, / внегда́ призрети́ ми на вся за́поведи Твоя́.**

Влады́ка всех зрится́ мертв, и во грóбе но́вем полага́ется, истощи́-вый грóбы ме́ртвых.

**Испове́мся Тебе́ в пра́вости се́рдца, / внегда́ научи́ти ми ся судьба́м пра́вды Твоея́.**

Живо́те, во грóбе положи́лся еси́, Христэ: и сме́ртию Твоею́ смерть погуби́л еси́, и источи́л еси́ ми́рови жизнь.

**Оправда́ния Твоя́ сохраняю́, / не оста́ви мене́ до зела́.**

Со злоде́и я́ко злоде́й, Христэ, вмени́лся еси́, оправда́я нас всех от злоде́йства дре́вняго за́пина́теля.

**В чесо́м исправи́т юне́йший путь свой? / Внегда́ сохра́нити сло́веса́ Твоя́.**

Кра́сный добро́тою па́че всех челове́к, я́ко беззра́чен мертв явля́ется, естество́ украси́вый всех.

**Всем се́рдцем моём взыска́х Тебе́, / не отри́ни мене́ от за́поведей Твои́х.**

Ад ка́ко стерпи́т, Спа́се, пришёствие Твое́, а не па́че боле́знует омрача́емь, блиста́ния све́та Твоего́ заре́ю ослеплён.

**В се́рдце моём скрых сло́веса́ Твоя́, / я́ко да не согрешу́ Тебе́.**

Иисусе, Сла́дкий мой и спаси́тельный Све́те, во грóбе ка́ко те́мном скры́лся еси́? О несказа́ннаго и неизрече́ннаго терпе́ния!

**Благослове́н еси́, Го́споди, / научи́ мя оправда́нием Твои́м.**

Недоумева́ет и естество́ у́мное, и мно́жество безплóтное, Христэ, таи́нства несказа́ннаго и неизрече́ннаго Твоего́ погребе́ния.

**Устна́ма моима́ / возвести́х вся судьбы́ уст Твои́х.**

О чуде́с стра́нных! О веще́й но́вых! Дыха́ния моего́ Подате́ль бездыха́нен но́сится, погреба́емь рука́ма Ио́сифовыма.

**На пути́ свиде́ний Твои́х наслади́хся, / я́ко о вся́ком бога́тстве.**

И во гроб заше́л еси́, и недр, Христэ, Оте́ческих ника́коже отлучи́лся еси́: си́е стра́нное и пресла́вное купно́.

**В за́поведех Твои́х поглумлю́ся, / и уразуме́ю пути́ Твоя́.**

Истинный Небесе́ и земли́ Царю́, а́ще и во грóбе мале́йшем заклю́чился еси́, позна́лся еси́ всей тва́ри, Иисусе.

**Во оправданиих Твоих поучуся,/ не забуду словес Твоих.**

Тебѣ положѣну во гробѣ, Создателю Христѣ, адская подвижашася основанія, и гроби отверзѡшася человеков.

**Воздаждь рабѹ Твоемѹ, живѣи мя,/ и сохраню словеса Твоя.**

Зѣмлю Содержай дланію, умерщвлѣн плѡтію под землѣю нынѣ содержитсѣ, мѣртвыя избавляя адова содержанія.

**Открый очи мой,/ и уразумѣю чудеса от закона Твоего.**

Из истлѣнія возшелъ еси, Животѣ Спасе мой, Тебѣ умершу, и к мѣртвымъ пришедшу, и сломившу адовы верей.

**Пришлецъ азъ есмь на земли,/ не скрый от мене заповѣди Твоя.**

Якоже свѣта Светильникъ, нынѣ плоть Божія, под зѣмлю яко под спудъ крѣется, и отгоняетъ сущую во аде тьму.

**Возлюбѣи душа моя возжелати судьбы Твоя/ на всякое время.**

Умныхъ стекается воинствъ множество со Иосифомъ и Никодимомъ, погребсти Тя неместимаго во гробѣ малѣ.

**Запретилъ еси гордымъ,/ прокляти уклоняющіи отъ заповѣдей Твоихъ.**

Умерщвлѣн волею, и положѣн под землѣю, Жизноточе Иисусе мой, оживилъ еси умерщвлѣна мя преступлѣниемъ горькимъ.

**Отыми от мене поносъ и униженіе,/ яко свидѣній Твоихъ взыскахъ.**

Изменяшесѣ вся тварь страстію Твоею, вся бо Тебѣ, Словѣ, сострадаху, Содержителя Тя вѣдуще всехъ.

**Ибо седѡша князи, и на мя клеветашу:/ рабъ же Твой глумляшесѣ во оправданиихъ Твоихъ.**

Животѣ Камень во чрѣве приѣмъ адъ всеядецъ изблева, отъ вѣка яже поглотитъ мѣртвыя.

**Ибо свидѣнія Твоя поучѣніе мое есть,/ и совѣти мои оправданія Твоя.**

Во гробѣ новѣ положилсѣ еси, Христѣ, и естество человеческое обновилъ еси, воскресъ благолѣпно изъ мѣртвыхъ.

**Прильпѣ земли душа моя,/ живѣи мя по словесѣ Твоемѹ.**

На зѣмлю сшелъ еси, да спасѣши Адама, и на земли не обрѣтъ сего, Владыко, даже до ада снизшелъ еси ищяи.

**Путѣи мои возвестихъ, и услышалъ мя еси,/ научи мя оправданіемъ Твоимъ.**

Сотрясёся страхом, Слове, вся земля, и денница лучы скры, величайшему в земли сокровённому Твоему свету.

**Путь оправданий Твоих вразуми ми,/ и поглумлюся в чудесах Твоих.**

Яко человек убо умираеши волею, Спасе, яко Бог же смертныя возставил еси от гробов, и глубины греховныя.

**Воздрема душа моя от уныния,/ утверди мя в словесах Твоих.**

Слезоточная рыдания на Тебе, Чистая матерски, о Иисусе, накрапляючи вопияше: како погребу Тя, Сыне?

**Путь неправды отстави от мене,/ и законом Твоим помилуй мя.**

Якоже пшеничное зерно, зашед в недра земная, многоперстный воздал еси клас, возставив человеки, яже от Адама.

**Путь истины изволих,/ и судьбы Твоя не забуду.**

Под землею скрылся еси яко солнце ныне, и нощию смертною покровен был еси, но возсияй светлейше, Спасе.

**Прилепихся свидением Твоим,/ Господи, не посрами мене.**

Якоже солнечный круг луна, Спасе, сокрывает, и Тебе ныне гроб скры, скончавшагося смертию плоти.

**Путь заповедей Твоих текых, егда расширил еси сердце мое.**

Живот смерти вкусивый Христос, от смерти смертныя свободи, и всем ныне дарует живот.

**Законоположи мне, Господи,/ путь оправданий Твоих и взыщу и вину.**

Умерщвлена древле Адама завистно, возводиши к животу умерщвлением Твоим, новый, Спасе, во плоти являйся Адам.

**Вразуми мя, и испытаю закон Твой,/ и сохраню и всем сердцем моим.**

Умнии ты чини, простерта мертва зряще нас ради, ужасаяхся, покрываемы крылы, Спасе.

**Настави мя на стезю заповедей Твоих,/ яко тую восхотех.**

Снем тя, Слове, от древа мертва, во гробе Иосиф ныне положи: но востани спасаая вся яко Бог.

**Приклони сердце мое во свидения Твоя,/ а не в лихоимство.**

Ангельская, Спасе, радость быв, ныне и печали сим был еси виновен, видим плотию бездыханен мертв.

**Отврати очи мои, еже не видети суеты,/ в пути Твоём живи мя.**

Вознёслся еси́ на дрéве, и живу́щия челове́ки совозно́сиши: под земле́ю же быв, лежа́щая под не́ю воскреша́еши.

**Поста́ви рабу́ Твоему́/ сло́во Твое́ в страх Твой.**

Якоже лев, Спа́се, усну́в плóтию, я́ко не́кий скі́мен мертв воста́еши, отложі́в ста́рость плотску́ю.

**Оты́ми поноше́ние моё, е́же непщева́х,/ я́ко судьбы́ Тво́я бла́ги.**

В ре́бра прободён был еси́, ребро́ взéмый Ада́мле, от него́же Еву созда́л еси́, и источи́л еси́ то́ки чисті́тельных.

**Се возжела́х за́поведи Тво́я,/ в пра́вде Тво́ей живи́ мя.**

Та́йно у́бо дрéвле жрётся Агнец, Ты же я́ве жрен быв, Незло́биве, всю тварь очі́стил еси́, Спа́се.

**И да при́дет на мя ми́лость Тво́я, Го́споди,/ спасе́ние Твое́ по словеси́ Твоему́.**

Кто изрече́т о́браз стра́шный воі́стинну но́вый? Влады́чествуя бо тва́рию, днесь страсть прие́млет, и умира́ет нас ра́ди.

**И отве́щаю поноша́ющим ми сло́во:/ я́ко упова́х на словеса́ Тво́я.**

Живота́ Сокро́вище, ка́ко зри́тся ме́ртвый, ужа́сающеся а́нгели взыва́ху? Ка́ко же во грóбе заключа́ется Бог?

**И не оты́ми от уст мо́их словесе́ і́стинна до зела́,/ я́ко на судьбы́ Тво́я упова́х.**

Копи́ем прободённого, Спа́се, из ребра́ Твоего́, живо́т животом из живота́ спа́сшаго мя иска́паеши, и живи́ши мя с ним.

**И сохраню́ зако́н Твой вы́ну,/ в век и в век ве́ка.**

Распростёрт на дрéве, собра́л еси́ челове́ки: в ре́бра же прободён, живото́чное всем оставле́ние источа́еши, Иису́се.

**И хо́ждах в широте́,/ я́ко за́поведи Тво́я взыска́х.**

Благообра́зный, Спа́се, образу́ет стра́шно, и погреба́ет Тя я́ко ме́рт-ва благообра́зно, и ужа́сается Твоего́ о́браза стра́шного.

**И глаго́лах о свиде́ниях Тво́их пред ца́ри,/ и не стыдя́хся.**

Под земле́ю хоте́нием низше́д я́ко мертв, возво́диши от земли́ к небе́сным отту́ду па́дшия, Иису́се.

**И поуча́хся в за́поведех Тво́их,/ я́же возлюбі́х зело́.**

Аще и мертв ви́ден был еси́, но живы́й я́ко Бог, возво́диши от земли́ к небе́сным, отту́ду па́дшия, Иису́се.

**И воздвигóх рúце мой к заповедем Твоím,/ яже возлюбíх.**

Аще и мертв виден был есí, но жив яко Бог, умерщвлénныя чело-  
вéки оживíл есí, моего умертвív умертвítеля.

**И глумлѧхся/ во оправдáниях Твои́х.**

О, радости óныя! О, мно́гия слáдости! Ихже во áде напóлнил есí,  
во днах мра́чных свет возсия́в.

**Помяни́ словеса́ Твоя́ рабú Твоемú,/ íхже упováние дал ми есí.**

Покланѧюся стра́сти, воспева́ю погребéние, велича́ю Твою́ держа́ву,  
Человеколю́бче, íмиже свободи́хся страсте́й тлетво́рных.

**То мя утéши во смире́нии моём,/ я́ко сло́во Твое́ живи́ мя.**

На Тя меч обнажи́ся, Христé, и меч крéпкого úбо притуплѧется,  
и меч же обра́щается Еде́мский.

**Го́рдии законопреступова́ху до зела́,/ от зако́на же Твоего́ не укло-  
ни́хся.**

Агница Агнца зря́щи в заколе́нии, óстрием пробода́ема рыда́ше,  
сподви́гши и ста́до вопíти.

**Помяну́х судьбы́ Твоя́ от ве́ка, Го́споди,/ и утéшихся.**

Аще и во грóбе погребѧеши́ся, аще и во ад íдеши: но и грóбы исто-  
щи́л есí, и ад обнажи́л есí, Христé.

**Печáль приѧт мя от грéшник,/ оставлѧющих зако́н Твой.**

Волею снизше́л есí, Спа́се, под зéмлю, умерщвлénныя чело́вечи  
оживíл есí, и возве́л есí во сла́ве Отчей.

**Пéта бя́ху мне оправдáния Твоя́/ на ме́сте пришéльствия моего́.**

Тро́ицы Еди́н во плóти нас ра́ди понóсную претерпé смерть, ужа-  
са́ется же со́лнце, и трепéщет зeмля́.

**Помяну́х в но́щи Имя Твое́,/ Го́споди, и сохрани́х зако́н Твой.**

Я́ко от исто́чника го́рькаго, Иу́дова колéна исча́дия в ро́ве поло-  
жи́ша, пита́теля маннода́вца Иисúса.

**Сей бысть мне,/ я́ко оправдáний Твои́х взыска́х.**

Судия́ я́ко суди́мь пред Пилáтом суди́ею, и предста́, и смéртию  
непра́ведною осужде́н бысть, дре́вом крéстным.

**Часть моя́ есí, Го́споди,/ рех сохра́нити зако́н Твой.**

Го́рдый Изра́илю, уби́йственнии лю́дие, что пострада́вше, Варáвву  
свободи́сте, и Спа́са преда́сте Кресту́?

**Помоли́хся лицу́ Твоемú всем се́рдцем моím,/ поми́луй мя по  
словеси́ Твоемú.**

**Рукою Твоею создавый Адама от земли, того ради естеством был еси Человек, и распялся еси волею Твоею.**

**Помыслих пути Твоя,/ и возвратих нозе мой во свидения Твоя.**

**Послушав, Слове, Отца Твоего, даже до ада лютаго сошел еси, и воскресил еси род человеческий.**

**Уготовихся и не смутихся/ сохранить заповеди Твоя.**

**Увы мне, Свете мира, увы мне, Свете Мой, Иисусе Мой возжеланный! - вопияше Дева, рыдаючи горько взываше.**

**Ужя грешник обязашася мне,/ и закона Твоего не забых.**

**Завистливи, убийственни и горди людие, поне плащаницы и сударя Самого да стыдятся, воскресшу Христу.**

**Полунощи востах исповедатися Тебе/ о судьбах правды Твоея.**

**Прииди убо, скверный убийце учениче, и нрав злобы твоея покажи ми, имже был еси предатель Христов.**

**Причастник аз есмь всем боящимся Тебе,/ и хранящим заповеди Твоя.**

**Яко человеколюбив некто притворяешися бже, и слепо всегубительнейший, неверный, миро продавый на цене.**

**Милости Твоея, Господи, исполнь земля,/ оправданием Твоим научи мя.**

**Небеснаго мира кую имел еси цену многоценнаго? Кое приял еси противодостойное? Неистовство обрел еси проклятейший сатано.**

**Благодать сотворил еси с рабом Твоим, Господи,/ по словеси Твоему.**

**Аще нищелюбец еси, и о мире печалуеши истощаемом во очищение души, како на злате продаеши светозарна?**

**Благости и наказанию и разуму научи мя,/ яко заповедем Твоим веровах.**

**О, Божий Слове! О, радости моя! Како претерплю тридневное Твое погребение? Ныне терзаюся утробой матерски.**

**Прежде даже не смирити ми ся, аз прегреших,/ сего ради слово Твое сохраних.**

**Кто даст Ми воду и слез источники, Богоневестная Дева взываше, да восплачу сладкаго Ми Иисуса?**

**Благ еси Ты, Господи,/ и благодатью Твоею научи мя оправданием Твоим.**

**О** горы и холмы, и человеков множества! Восплачьтесь, и вся рыдайте со Мною, Бога вашего Материю.

**Умножися на мя неправда гордых,/ аз же всем сердцем моим испытаю заповеди Твоя.**

**Когда** вижду Тя, Спасе, безлётнаго Света, радость и сладость сердца Моего? - Дева горько вопиаше.

**Усырися яко млеко сердце их,/ аз же закону Твоему поучихся.**

**Аще** и яко камень, Спасе, краесекомый, Ты приял еси сечение, но источил еси живую струю, яко Источник сый жизни.

**Благо** мне, яко смирил мя еси,/ яко да научуся оправданием Твоим.

**Яко** от источника единого сугубою рекою ребром Твоим изливающим напаяющиеся, бессмертную приобретаем жизнь.

**Благ** мне закон уст Твоих,/ паче тысяч злата и сребра.

**Волею** явился еси, Слове, во гробе мертв, но живёши, и человеки, якоже предрёкл еси, воскресением Твоим, Спасе мой, воздвизаеши.

Слава Отцу и Сыну и Свя - то - му Ду - - - ху.

Вос - пе - ва - ем, Сло - ве, Те - бе всех Бо - га,

со От - цем и Свя - тым Тво - им Ду - - - хом,

и сла - вим Бо - жест - вен - но - е Тво - е по - гре - бе - ни - е.

И ныне и присно и во ве - ки ве - ков, а - минь.

Бла - жим Тя, Бо - го - ро - ди - це Чис - та - я,

и по - чи - та - ем три - днев - но - е

по - гре - бе - ни - е Сы - на Тво - е - го

и Бо - га на - ше - го вер - но.

И паки первый припев оба лика вкупе:

Жизнь во гро - бе по - ло - жил - ся е - си, Хрис - те,  
и ан - гель - ска - я во - ин - ства у - жа - са - ху - ся,  
сниз - хож - де - ни - е сла - вя - ще Тво - - - е.

Ектения малая.

И абие начинаем вторую статью, за еже священнику совершати каждение малое (Плещаницы, иконостаса, предстоящих).

Статья вторая:


Дос - той - но есть ве - ли - ча - ти Тя, Жиз - но - дав - ца,  
на Крес - те ру - це про - стер - - - ша - го,



и со - круш - ша - го дер - жа - ву вра - - жи - ю.



Руце Твои сотвориште мя  
и создасте мя, вразуми мя, и нау - чу - ся за - по - ве - дем Тво - им



Дос - той - но есть ве - ли - ча - ти Тя,



всех Зижди - те - ля: Тво - и - ми бо стра - дань - - ми



и - ма - мы без - стра - сти - е, из - бавль - ше - ся тле - ни - я.

**Боя́щиеся Тебе́ ўзрят мя и возвеселя́тся, / я́ко на словеса́ Твоя́ упова́х.**

**Ужасе́ся земля́, и со́лнце, Спа́се, скры́ся, Тебе́ Невече́рнему Све́ту,  
Христе́, заше́дшу во гробе́ плоти́.**

**Разумѣх, Гóсподи, я́ко прáвда судьбы́ Твоя́,/ и вои́стинну смири́л мя еси́.**

Усну́л еси́, Христé, естественнóживóтным сном во грóбе, и от тяжкаго сна грехóвнаго воздвигл еси́ род челове́ческий.

**Бúди же мило́сть Твоя́,/ да утéшит мя по словеси́ Твоемú рабú Твоемú.**

Еди́на жен, кромé болéзней роди́х Тя, Чадо, болéзни же ны́не терплю́ стра́стию Твоею́ нестерпи́мая, глаго́лаше Чистая.

**Да прии́дут мне щедрóты Твоя́,/ и жив бúду, я́ко за́кон Твой поучéние моé есть.**

Горé Тя, Спа́се, неразлúчно со Отцém сýща, до́ле же мёртва простёрта на земли́, ужаса́ются зря́ще Серафíми.

**Да посты́дятся гóрдии,/ я́ко непра́ведно беззако́нноваша на мя, аз же поглумлю́ся в за́поведех Твои́х.**

Раздира́ется церкóвная завеса́ Твои́м распя́тием, покрыва́ют свети́ла, Сло́ве, свет, Тебе́ скрýвшуся со́лнцу под зéмлю.

**Да обратят́ мя боя́щиеся Тебе́,/ и ве́дящи свидéния Твоя́.**

Земли́ изначáла еди́нем ма́нием водрузи́вый круг, бездыхáнен я́ко человек за́йде под зéмлю: ужасни́ся видéнием нéбо.

**Бúди сéрдце моé непорóчно во оправдáниях Твои́х,/ я́ко да не постыжýся.**

Зашéл еси́ под зéмлю, руко́ю Твоею́ созда́вый челове́ка, да воздвигнеши́ от падéния собóры челове́ческая всеси́льною держа́вою.

**Исчезáет во спасéние Твоé душá моя́,/ на словеса́ Твоя́ упова́х.**

Плач свящénный приидите́ воспойм Христú умершему́, я́ко дрéвле жены́ миронóсицы, да и ра́дуйся услы́шим с ними́.

**Исчезóша óчи мой в сло́во Твоé, глаго́люще:/ когдá утéшиши мя?**

Мíро вои́стинну еси́ Ты, Сло́ве, неистощи́мое: тёмже Ти и мíра приноша́ху, я́ко мёртву живóму, жены́ миронóсицы.

**Занé бых я́ко мех на слáне,/ оправдáний Твои́х не забýх.**

Адова́ ўбо погребén цáрствия, Христé, сокруша́еши, смёртию́ же смерть умерщвля́еши, и тлéния свобожда́еши земнорóдныя.

**Коли́ко есть дней раба́ Твоегó?/ Когдá сотвори́ши ми от гоня́щих мя суд?**

То́ки жи́зни пролива́ющая Бóжия Премúдрость, во гроб заходя́щи, животвори́т сýщия в незаходíмых áдовых мéстех.

**Повѣдаша мне законопреступницы глумлѣния,/ но не яко закон Твой, Господи.**

Да человѣческое обновлю сокрушенное естество, уязвлен есмь смертию хотя плотию, Мати Моя, не терзайся рыданьми.

**Вся заповеди Твоя истина,/ неправедно погнаша мя, помози ми.**

Зашел еси под землю Светоносец правды, и мертвые якоже от сна воздвигл еси, отгнав всякую тьму сущую во аде.

**Вмале не скончаша мене на земли:/ аз же не оставих заповедей Твоих.**

Зерно двоерасленное, естественножизненное, в бока земная сеется со слезами днесь: но прозябше, мир радостносотворит.

**По милости Твоей живи мя,/ и сохраню свидения уст Твоих.**

Убояся Адам, Богу ходящу в рай, радуется же ко аду сошедшу, падый прежде, и ныне воздвизаемь.

**Во век, Господи,/ слово Твое пребывает на Небеси.**

Жрет Тебе жертвы слезныя Родшая Тя, Христѣ, плотию положену во гробе, вопиючи: востани, Чадо, якоже предрекл еси.

**В род и род истина Твоя,/ основал еси землю и пребывает.**

Во гробе Иосиф благоговейно Тя новем сокрывая, песни исходныя благолепныя поет Тебе, смешенныя рыданьми, Спасе.

**Учинением Твоим пребывает день,/ яко всяческая работна Тебе.**

Гвоздьми Тя Кресту пригвождена, Мати Твоя, Слове, зрящи, гвоздьми печали горькия пронзает, и стрелами душу.

**Яко аще бы не закон Твой поучение мое было,/ тогда убо погибл бых во смирении моем.**

Тя всех Наслаждение Мати зрящи, питием напаяема горьким, слезами лице омакает горце.

**Во век не забуду оправданий Твоих,/ яко в них оживил мя еси.**

Уязвляюся люте, и растерзаюся утробой, Слове, зрящи неправедное Твое заклѣние, глаголаше Пречистая с плачем.

**Твой есмь аз, спаси мя,/ яко оправданий Твоих взысках.**

Око сладкое, и устне Твой како заключу, Слове? Како же Тя мертволѣпно погребу? Ужасаюся, вопияше Иосиф.

**Мене ждаша грѣшницы погубити мя,/ свидения Твоя разумех.**

Песни Иосиф и Никодим надгробныя поют Христу умершему ныне, поют же с ними и Серафими.

**Всякія кончіны відех конєц,/ широка́ за́поведь Твоя́ зело́.**

Заходиши под зѣмлю, Спа́се, Со́лнце правды: те́мже ро́ждшая Тя Луна́ печальми оскудева́ет, віда Твоего́ лиша́ема.

**Коль возлюбих́ зако́н Твой, Го́споди,/ весь день поучѣние моѣ́ есть.**

Ужасѣся ад, Спа́се, зря Тя Жизнода́вца, бога́тство о́наго упражня́юща, и я́же от ве́ка ме́ртвыя возставля́юща.

**Па́че враг моих́ умудри́л мя еси́ за́поведию Твоею́,/ я́ко в век моя́ есть.**

Со́лнце свет возсиява́ет по но́щи, Сло́ве, и Ты же воскрѣс, просиява́еши по сме́рти я́сно, я́ко от черто́га.

**Па́че всех́ уча́щих мя разумѣх́,/ я́ко свидѣнія Твоя́ поучѣние моѣ́ есть.**

Земля́ Тя, Созда́телю, в не́дра приѣмши, трѣпетом содержи́ма, Спа́се, трясѣтся, успивши ме́ртвыя трясѣнием.

**Па́че ста́рец разумѣх́,/ я́ко за́поведи Твоя́ взыска́х.**

Ми́ры Тя, Христѣ́, Никоди́м и Благообра́зный, ны́не новолѣпно помазу́юще, ужасни́ся, вопия́ху, вся земля́.

**От вся́каго пути́ лука́ва возбрани́х ногáм мо́им,/ я́ко да сохраню́ словеса́ Твоя́.**

Зашѣл еси́, Светотво́рче, и с Тобо́ю за́йде свет со́лнца: трѣпетом же тварь содержи́тся, всех́ Тя проповѣда́ющи Творца́.

**От суде́б Твои́х не уклони́хся,/ я́ко Ты законоположи́л ми еси́.**

Ка́мень угла́женный, краеуго́льный покрыва́ет ка́мень, челове́к же сме́ртный я́ко сме́ртна, Бо́га покрыва́ет ны́не во гробе́: ужасни́ся, землѣ́.

**Коль сладка́ гортáни моему́ словеса́ Твоя́,/ па́че ме́да усто́м мо́им.**

Виждь ученика́, егóже любил еси́, и Твою́ Ма́терь, Ча́до, и вещáние даждь сладча́йшее, взыва́ше пла́чущи Чи́стая.

**От за́поведей Твои́х разумѣх́,/ сего́ ра́ди возненави́дех всяк путь непра́вды.**

Ты, Сло́ве, я́ко сый животá да́тель, иуде́ов, на Крестѣ́ прострый́ся, не умертви́л еси́, но воскреси́л еси́ и сих ме́ртвыя.

**Свети́льник ногáма мо́има зако́н Твой,/ и свет стезя́м мо́им.**

Добро́ты, Сло́ве, прѣ́жде не имѣл еси́, ниже́ віда, егда́ страда́л еси́: но воскрѣс провозсия́л еси́, удобри́в челове́ки Божѣ́ственными заря́ми.

**Кляхся, и поставих/ сохранити судьбы правды Твоея.**

Зашёл еси плотию в землю Невечерний Светонóсец, и не терпя зрети  
сólнце помёрче, полúдни ещё сýщу.

**Смирíхся до зела, Гóсподи,/ живí мя по словесí Твоемú.**

Сóлнце вкúпе и луна помёркше, Спáсе, рабóм благоразúмным обра-  
зовахуся, íже в чёрныя одéжды облачáтся.

**Вóльная уст моíх благовоlí же Гóсподи,/ и судьбáм Твоím научí мя.**

Вíде Тя Бóга сóтник, áще и умертвíлся есí: кáко Тя úбо, Бóже мой,  
осяжú рукама? Ужасаýся, вопияше Иóсиф.

**Душá моя в руку Твоею вы́ну,/ и за́кона Твоегó не забых.**

Уснú Ада́м, но смерть из ребр извóдит: Ты же ны́не уснúл есí, Сло́ве  
Бóжий, источáеши от ребр Твоíх мíрови жизнь.

**Положи́ша грéшницы сеть мне,/ и от за́поведей Твоíх не заблудíх.**

Уснúл есí máло, и оживíл есí умérших, и воскрéс, воскресíл есí  
спя́щих от вéка, Бла́же.

**Наслéдовах свидéния Твоя́ во век, / я́ко ра́дование сéрдца моего́  
суть.**

Взят есí от земли, но источíл есí спасéния вино́, животóчная лозó:  
прославля́ю страсть и Крест.

**Приклонíх сéрдце моё,/ сотвори́ти оправда́ния Твоя́ в век за  
воздая́ние.**

Кáко умная чиноначáлия Тя, Спáсе, пою́т, на́га, окровавлéна,  
осуждéна, терпяща дéрзость распина́телей?

**Законопрестúпныя возненавídех,/ за́кон же Твой возлюбíх.**

Обручénный, стропóтнейший рóде еврёйский, ве́дал есí воздвиже́-  
ние хра́ма, почтó осудíл есí Христá?

**Помóщник мой и Застúпник мой есí Ты,/ на словеса́ Твоя́ упова́х.**

Во одéжду поругáния украсíteля всех облека́еши, íже нéбо утвер-  
дí, и зéмлю украсí чúдно.

**Уклонíteся от менé лука́внующии,/ и испыта́ю за́поведи Бóга  
моегó.**

Якоже неясы́ть уязвлен в рéбра Твоя́, Сло́ве, óтроки Твоя́ умérших  
оживíл есí, иска́пав живóтныя им тóки.

**Заступí мя по словесí Твоемú, и жив бúду,/ и не посрами́ менé  
от ча́яния моего́.**

**С**олнце прежде устави Иисус, иноплемénники секій: Ты же скрылся еси, низлагая тьмы начальника.

**Помози ми, и спасуся,/ и поучуся во оправданиях Твоих выну.**

**Недр** отеческих неисходен пребыв, Щедре, и человек быти благоволил еси, и во ад снизшел еси, Христэ.

**Уничжил еси вся отступающия от оправданий Твоих,/ яко неправедно помышление их.**

**Взятся** распныйся, Иже на водах зéмлю повéшей, и яко бездыхáнен в ней ны́не возлега́ет: я́же не терпящи тряса́шеся люте.

**Преступающия непщевах вся грешныя земли,/ сего ради возлюбих свидения Твоя.**

**Увы** Мне, о Сыне! Неискусомужная рыдаше глаголющи: Егóже бо я́ко царя надеяхся, осуждена зрю ны́не на Крестэ.

**Пригвозди́ страху Твоему́ плóти моя́,/ от судéб бо Твоих убо́яхся.**

**Сия** Гаври́л мне возвести́, егда́ слетé, иже Цáрство вéчное речé, Сына Моегó Иисуса.

**Сотвори́х суд и правду,/ не предаждь менé обидящим мя.**

**Увы́,** Симео́ново соверши́ся прорóчество: Твой бо меч про́йде сéрдце Моé, Емману́иле.

**Восприими́ раба Твоегó во блага́,/ да не оклеветáют менé горди́и.**

**Понé** сущих от мёртвых постыди́теся, о иудее! Ихже Животода́вец возста́ви, Егóже вы уби́сте зависти́но.

**Очи мой исчезóсте во спасéние Твоé,/ и в слóво правды Твоея́.**

**Ужасéся** видевшее, Невидимый Свéте, Тебé, Христэ мой, во грóбе сокрывáема, бездыхáнна же, и помрачи́ солнце свет.

**Сотвори́ с рабóм Твои́м по мило́сти Твоéй,/ и оправданием Твои́м научи́ мя.**

**Пла́каше** горько Пренепорóчная Ма́ти Твоя́, Сло́ве, егда́ во грóбе ви́де Тебé неизречéннаго и безнача́льнаго Бо́га.

**Раб Твой есмь аз, вразуми́ мя,/ и увéм свидения Твоя́.**

**Мёртвость** Твою́, нетлénная, Христэ, Ма́ти Твоя́ зрящи, горько к Тебé вещáше: не косни́, Животé, в мёртвых.

**Вре́мя сотвори́ти Го́сподеви,/ разори́ша за́кон Твой.**

**Ад** лю́тый потрепетá, егда́ Тя ви́де солнце сла́вы, Безсме́ртне, и издава́ше ю́зники тща́тельно.

**Сего ради возлюбих заповеди Твоя, / паче злата и топазия.**

Велие и ужасное видение ныне зрится, живота сый виновный, смерть подъят, оживити хотя всех.

**Сего ради ко всем заповедям Твоим направляхся, / всяк путь неправды возненавидех.**

Прободаешия в ребра, и пригвождаешия, Владыко, руками, язву от ребра Ты исцеляя, и невоздержание рук праотец.

**Дивна свидения Твоя, / сего ради испытая душа моя.**

Прежде Рахилина сына плакаше всяк иже в дому, и Сына Девы рыдаху ученик лик с Материю.

**Явление словес Твоих / просвещает и вразумляет младенцы.**


Ударение рук даша Христовой ланите, рукою человека создавшего, и челюсти зверя сокрушившего.

**Уста моя отверзох, и привлечох дух, / яко заповедей Твоих желаях.**


Песньми Твое, Христэ, ныне распятие и погребение, вси вернии празднуем, избавльшеся смерти погребением Твоим.



## В Великую Субботу



у - кре - пи на рат - ны - я, я - ко благ.



И ныне, и присно, и во ве - ки ве - ков, а - минь.



Жизнь Рожд - ша - я Пре - не - по - роч - на - я Чис - та - я Де - во,



у - то - ли цер - ков - ны - я со - блаз - - - ны,



и по - даждь мир, я - ко Бла - га - - - я.

**И паки первый припев оба лика вкупе:**



Дос - той - но есть ве - ли - ча - ти Тя, Жиз - но - дав - ца,

на Крес - те ру - це про - стер - - - ша - го,  
и со - круш - ша - го дер - жа - ву вра - - - жи - ю.

Ектения малая.

И начинаем третью статью, за еже священнику совершати каждение малое.

Статья третья:

Ро - ди вси песнь по - гре - бе - ни - ю Тво - е - му  
при - но - - - сят, Хрис - те мой.  
Призри на мя и помилуй мя, по суду лю - бя - щих И - мя Тво - е.



**Стопы́ мой напра́ви по словеси́ Твоему́,/ и да не облада́ет мно́ю  
всякое беззакóние.**

**Миронóсицы приидо́ша, ми́ра Тебе́, Христé мой, нося́щия пре-  
мúдро.**

**Изба́ви мя от клеветы́ челове́ческих,/ и сохра́ню за́поведи Твоя́.**

**Гряди́, вся тварь, пёсни исхо́дныя принесём Зижди́телю.**

**Лице́ Твое́ просвети́ на раба́ Твоего́,/ и научи́ мя оправда́нием  
Твои́м.**

**Яко ме́ртва жива́го, с миронóсицами вси миропوما́жем мúдренно.**

**Исхо́дища водна́я изведóсте óчи мой,/ понéже не сохрани́х  
зако́на Твоего́.**

**Ио́сифе треблаже́нне, погреби́ тéло Христá Жизнода́вца.**

**Праведен еси́, Го́споди,/ и пра́ви суди́ Твои́.**

**Ихже воспита́ ма́нною, воздвигóша пýту на Благоде́теля.**

**Заповéдал еси́ правду,/ свиде́ния Твоя́, и и́стину зело́.**

**Ихже воспита́ ма́нною, прино́сят Спа́су желчь кúпно и óцет.**

**Иста́яла мя есть ре́вность Твоя́,/ я́ко забы́ша словеса́ Твоя́ врази́  
мой.**

**О пребезúмия и христууби́йства пророкоуби́йц!**

**Разжже́но сло́во Твое́ зело́,/ и раб Твой возлюби́ е.**

**Якоже безúмный служи́тель, предаде́ учени́к Бёздну Премúд-  
рости.**

**Юне́йший аз есмь и уничиже́н,/ оправда́ний Твои́х не забы́х.**

Изба́вителя оста́вив, плéнник оста́вился льсти́вый Иу́да.

**Пра́вда Твоя́ пра́вда во век,/ и зако́н Твой и́стина.**

По Соломо́ну, ров глубо́кий, уста́ евре́й беззакóнных.

**Ско́рби и ну́жди обрето́ша мя,/ за́поведи Твоя́ поуче́ние моё.**

В стропóтных ше́ствиих евре́ов беззакóнных, волчцы́ и се́ти.

**Пра́вда свидéния Твоя́ в век,/ вразуми́ мя, и жив бу́ду.**

Ио́сиф погреба́ет с Никоди́мом, мертволéпно Зижди́теля.

**Воззва́х всем се́рдцем моим, услы́ши мя, Го́споди,/ оправда́ния  
Твоя́ взыщу́.**

Жизнода́вче Спа́се, сла́ва держа́ве Твоéй, ад разо́ршей.

**Воззва́х Ти, спаси́ мя,/ и сохраню́ свидéния Твоя́.**

Лежа́ща Тя Пречи́стая ви́дящи, Сло́ве, матеролéпно пла́каше.

**Предвари́х в безго́дии, и воззва́х,/ на словеса́ Твоя́ упова́х.**

О сладча́йшая Моя́ Весно́, сладча́йшее Моё Ча́до, где Твоя́ за́йде  
добро́та?

**Предвари́сте о́чи мои́ ко у́тру,/ поучи́тися словесе́м Твои́м.**

Плач сподвиза́ше Всечи́стая Твоя́ Ма́ти, Тебе́, Сло́ве, уме́ршу.

**Глас мой услы́ши, Го́споди, по ми́лости Твоéй,/ по судьбе́ Твоéй  
живи́ мя.**

Же́ны с ми́ры приидо́ша пома́зати Христа́, Божéственного ми́ра.

**Прибли́жишася гоня́щии мя беззакóнием,/ от зако́на же Твоего́  
удали́шася.**

Смерть сме́ртию Ты умерщвля́еши, Бо́же мой, Божéственной си́-  
лою Твоéю.

**Близ еси́ Ты, Го́споди,/ и вси путиé Твой и́стина.**

Прельсти́ся прелéстник, прельсти́выйся избавля́ется, премудрос-  
тию Твоéю, Бо́же мой.

**Испéрва позна́х от свидéний Твои́х,/ я́ко в век основа́л я еси́.**

Во дно а́дово низведе́н бысть преда́тель, в кла́денец ислéния.

**Виждь смире́ние моё, и изми́ мя,/ я́ко зако́на Твоего́ не забы́х.**

Волчцы́ и се́ти путиé треока́йного безу́много Иу́ды.

**Суди́ суд мой, и изба́ви мя,/ словесе́ ра́ди Твоего́ живи́ мя.**

Вси спогибáют распина́телие Твой, Сло́ве, Сы́не Бо́жий Всецарю́.

Далече от грѣшник спасѣние,/ яко оправданій Твоих не взыскаша.

В кладенец истлѣния вси спогибѣют мѹжие кровей.

Щедроты Твоя многи, Господи,/ по судьбѣ Твоей живи́ мя.

Сы́не Божий Всецарю, Бо́же мой, Создателю мой, како́ страсть подъя́л еси́?

Мно́зи изгоня́ющи мя и стужа́ющи ми,/ от свидѣній Твоих не уклонихся.

Юница тельца́ на дрѣве повѣшена взыва́ше зря́щи.

Видѣх неразумевѣющия и истѣях,/ яко́ словес Твоих не сохрани́ша.

Тѣло живоносное Иосиф погребѣет с Никодимом.

Видь, яко́ заповѣди Твоя возлюбих, Господи,/ по мило́сти Твоей живи́ мя.

Взыва́ше Отрокови́ца тѣпле слѣзы точа́щи, утробою пробода́ема.

Нача́ло словес Твоих исти́на,/ и во век вся судьбы́ правды Твоея́.

Свѣте очию Моёю, сладчайшее Моё Чадо, како́ во гробѣ ны́не покрыва́ешия?

Кня́зи погна́ша мя ту́не,/ и от словес Твоих убо́яся се́рдце моё.

Ада́ма и Еву свободи́ти, Ма́ти не рыда́й, сия́ стражду́.

Возра́дуюся аз о словесѣх Твоих,/ яко́ обрета́яй коры́сть мно́гу.

Прославля́ю Твоё, Сы́не Мой, крайнее благоутро́бие, егѡ́же ра́ди сия́ страждеши.

Непра́вду возненави́дѣх и омерзѣх,/ за́кон же Твой возлюбих.

Оцтом напоён был еси́ и жѣлчию, Ще́дре, дрѣвнее разреша́я вкуше́ние.

Седмери́цею днем хвали́х Тя,/ о судьба́х правды Твоея́.

На Крестѣ пригвозди́лся еси́, дрѣвле лю́ди Твоя́ столпо́м обла́чным покрыва́яй.

Мир мног лю́бящим за́кон Твой,/ и несть им собла́зна.

Мироноси́цы, Спа́се, ко гробу́ прише́дшия, ми́ра принесѡ́ша Тебѣ́.

Ча́ях спасѣ́ния Твоегѡ́, Господи,/ и за́повѣди Твоя́ возлюбих.

Воста́ни, Ще́дре, от про́пастей а́дских возста́вляяй нас.

Сохрани́ ду́ша моя́ свидѣ́ния Твоя́,/ и возлюби́ я зело́.

Воскресні, Жизнода́вче, ро́ждшая Тя Ма́ти, слéзы точа́щи, глаго́лет.

Сохрани́х за́поведи Твоя́ и свидéния Твоя́,/ я́ко вси путиé мой пред Тобо́ю, Го́споди.

Потщи́ся воскрéснути, печа́ль разреша́я, Сло́ве, чи́сто ро́ждшия Тя. Да прибли́жится моле́ние моé пред Тя, Го́споди,/ по словеси́ Твоему́ вразуми́ мя.

Небе́сныя си́лы ужасо́шася стра́хом, ме́ртва Тя зря́ще. Да вни́дет проше́ние моé пред Тя, Го́споди,/ по словéси Твоему́ изба́ви мя.

Любо́вию же и стра́хом стра́сти Твоя́ почита́ющим, даждь пре́грешений разрешéние.

Отры́гнут устне́ мой пéние,/ егда́ научи́ши мя оправда́нием Твои́м.

О ужáснаго и стра́ннаго видéния, Бо́жий Сло́ве! Ка́ко земля́ Тя спокрыва́ет?

Просвещáет язы́к мой словеса́ Твоя́,/ я́ко вся за́поведи Твоя́ пра́вда.

Нося́й Тя дрéвле, Спа́се, Ио́сиф бе́гает, и ны́не Тя иный погребáет.

Да бу́дет рука́ Твоя́ е́же спасти́ мя,/ я́ко за́поведи Твоя́ изво́лих.

Пла́чет и рыда́ет Тя Пречи́стая Ма́ти Твоя́, Спа́се мой, умерщвле́ннаго.

Возжела́х спасéние Твое́, Го́споди,/ и за́кон Твой поучéние моé есть.

Ужаса́ются умы́ стра́ннаго, и ужáснаго Тебе́ всех Созда́теля, погребéния.

Жива́ бу́дет душа́ моя́, и восхва́лит Тя,/ и судьбы́ Твоя́ помо́гут мне.

Излия́ша на гроб миронóсицы ми́ра, зело́ ра́но пришéдшия.

Заблуди́х я́ко овча́ погíбшее,/ взыщи́ раба́ Твоего́, я́ко за́поведей Твои́х не забы́х.

Мир Цérкви, лю́дем Твои́м спасéние да́руй воста́нием Твои́м.

## В Великую Субботу

Слава Отцу и Сыну и Свя - то - му Ду - - - ху.

О, Тро - и - це Бо - же мой, От - че, Сы - не

и Ду - - - - ше, по - ми - луй мир.

И ныне и присно, и во ве - ки ве - ков, а - минь.

Ви - де - ти Тво - е - го Сы - на вос - кре - се - ни - е,

Де - - - - во, спо - до - би Тво - я ра - бы.

## Внимание служителям клира и клироса!

[примечание составителя]

С момента окончания 17 кафисмы устав очень скупо излагает сочетание элементов службы Великой Субботы и праздника Благовещения. Поэтому в практике служения неизбежно могут возникнуть варианты их чередования.

Предлагаем наиболее возможные варианты:

### Вариант А:

(предложенный о. Михаилом Желтовым по материалам дониконианского устава):

1. Тропари по непорочнах «Ангельский собор». На нём каждение не происходит.
2. Полиелей, «Хвалите имя Господне». Священник кадит в алтаре, на солее, и возвращается к иконе.
3. Священник поёт величание перед иконой и совершает каждение храма под пение клирошанами величания «Архангельский глас...» со стихами избранного псалма.

### Вариант Б:

(распространённый в практике пения полиелейной службы в воскресный день)

1. Пение полиелея «Хвалите имя Господне». Священник кадит алтарь, на солее и подходит к иконе.
2. Пение величания единожды, от священника, или хора.
3. Тропари по непорочнах «Ангельский собор». Совершается каждение храма.

### Вариант В:

(радикальный)

1. Пение величания «Архангельский глас», единожды.
2. Тропари по непорочнах «Ангельский собор». Совершается каждение алтаря, на солее и храма.

(при этом варианте полиелей не поётся)

**И абие поем тропари сия, во глас 5:**

**Б**лагословѣн еси́, Го́споди, / научи́ мя оправда́нием Твои́м.

**А**нгельский собо́р удиви́ся, / зря Тебе́ в ме́ртвых вмени́вшася, / сме́ртную же, Спа́се, кре́пость разори́вша, / и с собо́ю Ада́ма воздви́гша, // и от а́да вся свобо́ждша.

**Б**лагословѣн еси́, Го́споди, / научи́ мя оправда́нием Твои́м.

**П**очто́ ми́ра с ми́лостивными слеза́ми, / о учени́цы, растворя́ете? / Блиста́йся во грóбе Ангел, / миронóсицам веща́ше: / ви́дите вы гроб, и уразумѣ́йте, // Спас бо воскресе́ от грóба.

**Б**лагословѣн еси́, Го́споди,/ научи́ мя оправда́нием Твои́м.

**З**ело́ рано мирно́сицы теча́ху/ ко грóбу Твоему́ рыда́ющия,/ но предста́ к ним Ангел, и рече́:/ рыда́ния вре́мя преста́, не пла́чите,// воскресѣние же апóстолом рцы́те.

**Б**лагословѣн еси́, Го́споди,/ научи́ мя оправда́нием Твои́м.

**М**ирно́сицы жены́, с ми́ры пришѣдшия/ ко грóбу Твоему́, Спа́се, рыда́ху,/ Ангел же к ним рече́, глаго́ля:/ что с мёртвыми жива́го помышля́ете?// Яко Бог бо воскресе́ от грóба.

**С**ла́ва Отцу́, и Сы́ну, и Свято́му Ду́ху.

**П**оклонѣ́мся Отцу́,/ и Егó Сы́нови, и Свято́му Ду́ху,/ Святе́й Тро́ице во Еди́ном Суще́ствѣ,/ с Серафѣ́мы зову́ще:// Свят, Свят, Свят еси́, Го́споди.

**И** ны́не, и прѣ́сно, и во ве́ки веко́в. Ами́нь.

**Ж**изнода́вца ро́ждши,/ греха́, Де́во, Ада́ма изба́вила еси́,/ ра́дость же Еве/ в печа́ли ме́сто пода́ла еси́,/ па́дшия же от жи́зни/ к сей напра́ви,// из Тебе́ воплотѣ́выйся Бог и Чело́вѣк.

**А**ллилу́ия, аллилу́ия, аллилу́ия, сла́ва Тебе́, Бо́же.  
(Трижды)

**Таже ектения малая.**

**И поем седален, глас 1:**

**Подобен: Гроб Твой, Спа́се:**

**П**лащаницею чи́стою и аро́маты Боже́ственными Тѣло Честно́е, испросѣ́в у Пила́та, миропомазу́ет и полага́ет Ио́сиф в но́вом грóбе. Те́мже уранше мирно́сицы жены́, возопѣ́ша: покажи́ нам, я́коже предре́кл еси́, Христѣ́, воскресѣ́ние.

**Слава:**

**П**окажи́ нам, я́коже предре́кл еси́, Христѣ́, воскресѣ́ние.

**И ныне:**

**У**жасо́шася ли́цы Ангельстии, зря́ще Седя́щаго в не́драх Отчих: ка́ко во гроб полага́ется я́ко мертв, Безсме́ртный, Егóже чѣ́ни Ангельстии окружа́ют, и сла́вят с мёртвыми во а́де, я́ко Зиждѣ́теля и Го́спода.

# «Архангельский глас...»

Д.С. Бортнянский

Ар - хан - - - - - гель - ский глас во - пи -

ем Ти, Чис - - - - - та - я:

Ра - - - - - дуй - ся, Бла - - - - - го - - - - -

дат - - - - - на - я, Гос - подь, Гос - подь

с То - бо - - - - ю. подь с То - бо - - - - ю.

Архангельскій гласъ

Роспѣвъ кѣво-печѣрской лаўры

Или так:

Слава Богу за все. Аминь

**Псалом избранный:** Бóже, суд Твой Царéви даждь/ **и** правду Твою Сыну Царéву,/ **с**удити людем Твоим в правде/ и нищим Твоим в судé./ **С**удит нищим людским и спасёт сыны убóгих./ **Б**лаговестите день от дне спасéние Бóга нáшего./ **Г**осподь даст глагóл благовествúющим сíлою мнóгою.

(И прочие зри во Ирмологии)

По полиелеи седален, праздника:

**Г**авриил с Небесé, ёже радуйся, зовёт Честнéй, я́ко зачнёт во чрéве Превéчнаго Бóга, слóвом концы́ составльшаго. Тёмже Мариám отвеща́ше: Безмúжна есмь и ка́ко рождú Сы́на? Безсéменное рождéние кто ви́де? И, сказа́уя, глаго́лаше Ангел Богорóдице и Дéве: на́йдет на Тя Дух Святы́й, и сíла Вы́шняго осенит Тя.

**Слава, и ныне:**

**П**óслан бысть Гавриил к Дéве Мари́и и возвести́ Ей неизглагóланную радóсть, я́ко безсéменно зачнёт и не истрéет, роди́ши бо Сы́на, Предвéчнаго Бóга, и спасёт лю́ди Сво́я от грех их. И свидéтельствует послáвый мя вопíti Тебé, Благословénная, ёже радуйся: Дéва роди́ши, и по рождествé па́ки пребúдеши Дéва.

Таже степенна, 1-й антифон 4-го гласа.

**Прокимен, глас 4: Благовестите день от дне/ спасение Бóга нáшего.**

**Стих:** Воспойте Гóсподеви песнь нóву,/ воспойте Гóсподеви, вся земля.

**Всякое дыхáние: Евангелие от Луки, зачало 4.**

**По 50-м псалме:**

**Слава: Молитвами Богорóдицы: И ныне: тойже.**

**Помилуй мя, Бóже:**

**Стихира, глас 2. Самогласна:**

**Благовествует Гаври́л Благодáтней днесь: / радуйся, Неневéстная Мáти и Неискусобráчная./ Не удивля́йся странному моему́ зра́ку, / ни ужаса́йся, Арха́нгел бо есмь./ Змий прельсти́ Ёву иногда́,/ ны́не же благовествую́ Тебе́ ра́дость,/ и пребу́деши нетле́нна, // и роди́ши Гóспода, Пречы́стая.**

**Канон праздника со ирмосом на 6, и Триоди, на 6. Катавасия Триоди.**

**Канон праздника, глас 4:**

**Песнь 1**

**Ирмос: Отве́рзу уста́ моя́,/ и напо́лнятся Ду́ха,/ и сло́во отры́гну Цари́це Ма́тери,/ и явлю́ся, све́тло торжествую́я, // \*и воспою́, раду́ясь, То́я чудеса́.**

**Припев: Пресвятая Богородице, спаси нас.**

**Да поёт Тебе́, Влады́чице, движа́ свирель духо́вную, Дави́д, праотец Твой: послу́шай, Дщи, ра́дованнаго гласа от А́нгела, ра́дость бо возвещáет Тебе́ неизглаго́ланную.**

**А́нгел возопи́: Вопию́ Тебе́, веселя́ся, приклони́ у́хо Твое́ и вонми́ ми, Бóжие возвещáюще безсе́менное зача́тие, обрела́ бо еси́ благода́ть пред Бо́гом, ея́же никогда́же обрете́ другáя, Всечы́стая.**

**Богорóдице рече́: Да разумео́у, А́нгеле, твои́х глаго́л си́лу, ка́ко бу́дет, е́же рекл еси́, глаго́ли я́вственнейше? Ка́ко зачну́, Де́ва су́щи, Отрокови́ца? Ка́ко же и Ма́ти бу́ду Зижди́теля Моего́?**

**А́нгел возопи́: Ле́стно мя вещáти помышля́еши, я́ко мню, и раду́юся, зря Твое́ утвержде́ние. Дерза́й, Влады́чице, Бо́гу бо хотя́щу, удо́бь сконча́ются и пресла́вная.**

Ин канон, Великой Субботы. Глас 6:

**Припев:** Сла́ва Тебе́, Бо́же наш, сла́ва Тебе́.

Го́споди Бо́же мой, исхо́дное пѣние, и надгробную Тебе́ песнь воспою́, погребѣнием Твои́м жи́зни моея́ вхо́ды отве́рзшему, и сме́ртию смерть и ад умертви́вшему.

Го́ре Тя на престо́ле, и до́ле во гробе́, премі́рная и подзе́мная помышля́ющая, Спа́се мой, зы́бляхуся умерщвлѣнием Твои́м: па́че ума́ бо, ви́ден был еси́ мертв, Живонача́льниче.

Да Твоея́ сла́вы вся испо́лниши, сшел еси́ в ни́жняя землі: от Тебе́ бо не скры́ся соста́в мой и́же во Ада́ме, и погребѣн, истле́вша мя обновля́еши, Человеколю́бче.

**Катавасія:** Волно́ю морско́ю/ Скры́вшаго дре́вле/  
гоні́теля мучі́теля,/ под земле́ю скры́ша спасѣ́нных о́тро-  
цы:/ но мы́ я́ко отрокови́цы// Го́сподеви по́йм, сла́вно бо  
просла́вился.

### Песнь 3

**Ирмос:** Твоя́ песносло́вцы, Богоро́дице,/ Жи́вый и  
Незави́стный Исто́чниче,/ лик себе́ совоку́пльшыя, духо́в-  
но утверди́,/ в Божѣ́ственной Твое́й сла́ве// венце́в сла́вы  
сподо́би.

**Припев:** Пресвя́тая Богороди́це, спаси нас.

Богоро́дице рече́: Оскуде́ князь от Иу́ды, вре́мя наста́ проче́е, в  
не́же яви́тся язы́ков наде́жда, Христо́с; ты же, ка́ко Сего́ рожду́, Де́ва  
су́щи, скажи́?

А́нгел возопи: И́щещи от мене́ уве́дети, Де́во, о́браз зача́тия Твое-  
го́, но той несказа́нен е́сть: Ду́х же Святы́й, зижді́тельною си́лою осені́в  
Тя, соверши́т.

Богоро́дице рече́: Моя́ прамáти, приѣ́мши ра́зум зми́ин, пи́щи  
Божѣ́ственныя изгна́на бы́сть, те́мже и Аз бою́ся целова́ния стра́ннаго  
твоего́, стыдя́щихся поползнове́ния.

А́нгел возопи: Бо́жий предста́тель, по́слан есмь Божѣ́ственный  
повѣдати Тебе́ сове́т. Что мене́ бои́шися, Всенепоро́чная, па́че Тебе  
боя́щагося? Что благоговѣ́еши мне, Влады́чице, Тебе́ че́стно благо-  
говѣ́ющему?

Ин канон, Великой Субботы.

**Припев:** Сла́ва Тебе́, Бо́же наш, сла́ва Тебе́.

О́бразы погребѣ́ния Твоего́ показа́л еси́, ви́дѣнія умно́жив: ны́не

же сокровенная Твоя Богомужно уяснил еси, и сущим во аде Владыко, несть Свят, разве Тебе, Господи, взывающим.

**Простерл** еси длани, и соединил еси древле разстоящаяся: одеянием же, Спасе, еже в плащанице и во гробе, окованныя разрешил еси, несть Свят, разве Тебе, Господи, взывающим.

**Гробом** и печатями, Невместиме, содержимь был еси хотением: ибо силу Твою действы показал еси, богодейственно поющим: несть Свят, разве Тебе, Господи Человеколюбче.

**Катавасия:** Тебе, на водах/ Повесившаго всю землю недержимо,/ тварь видевши на Лобнем висима,/ ужасом многим содрогашеся,/ несть Свят, // разве Тебе, Господи, взывающи.

**Ектения малая.**

**Таже кондак, глас 6:**

**Бездну** заключивый, мертв зрится,/ и смиренною и плащаницею обвився,/ во гробе полагается яко смертный Безсмертный:/ жены же приидоша помазати Его миром,/ плачущия горько и вопиущия:/ сия Суббота есть Препоблагословенная, // в нейже Христос уснув воскреснет тридневен.

**Икос:**

**Содержай** вся на Крест вознесся, и рыдает вся тварь, Того видящи нага висяща на древе, солнце лучи сокры, и звезды отложиша свет; земля же со многим страхом поколебася, и море побеже, и камень распадся, гроби же мнози отверзошася, и телеса восташа святых мужей. Ад низу стенет, и иудеи советуют оклеветати Христово Воскресение, жены же взывают: сия Суббота есть Препоблагословенная, // в нейже Христос уснув воскреснет тридневен.

**Седален, глас 1:**

**Гроб** Твой, Спасе, воины стрегущии, мертви от облистания являшагося Ангела быша, проповедающая женам воскресение. Тебе славим тли Потребителя, Тебе припадаем воскресшему из гроба, и Единому Богу нашему.

**Слава, и ныне, праздника:**

**Слово** Божие на землю ныне сниде, Ангел предст, вопия Деве: радуйся, Благословенная, Яже печатю едина сохранится, во утробе приемши предвечнаго Слова и Господа, да от прелести спасет, яко Бог, род человеческий.

Песнь 4

**Ирмос:** Седяй в Славе на Престоле Божества/ во облаце лёгце,/ прииде Иисус Пребожественный/ Нетленною дланию и спасе зовущия:// слава, Христэ, силе Твоей.

**Припев:** Пресвятая Богородице, спаси нас.

**Богородице** рече: Священную некую Деву раждающую слышах пророка, древле Еммануила прорекша; хочу же разумети, како Божества растворение естество человеческое претерпит?

**Ангел** возопи: Явила есть купина, неопальна пребывши, приемши пламень, обрадованная Всепетая, на Тебе таинства преславное: по рождестве бо пребудеши Чистая Приснодева.

**Богородице** рече: Освещаемь сиянием Бога Вседержителя, истины проповедниче, глаголи, Гаврииле, истиннейшая, како, нетленне бывши чистоте Моей, Слова рожду, с плотию Безплотного?

**Ангел** возопи: Со страхом Тебе, яко раб Господже, предстою,/ с боязнию, Отроковице, ныне смотри стыждуся Тебе,/ яко бо дождь на руно, снидет на Тя Слово Отчее, яко благоволи.

**Ин канон, Великой Субботы.**

**Припев:** Слава Тебе, Боже наш, слава Тебе.

**Седмый** день днесь освятил еси, егже древле благословил еси упокоением дел: преводиши бо всяческая и обновляеши, суббоотствуя, Спасе мой, и назидая.

**Силою** лучшаго, победившаго Тебе, от плоти душа Твоя разделися: растерзаючи бо обою узы, смерти и ада, Слове, державою Твоею.

**Ад,** Слове, срет Тя огорчися, Человека зря обожена, уязвлена ранами, и Всесильнодетеля, страшным же зраком погибе.

**Катавасия:** На Кресте Твое Божественное истощание/ провидя Аввакум, ужасся вопияше:/ Ты сильных пресеки еси державу, Блаже,// приобщаяся сущим во аде, яко Всесилен.

Песнь 5

**Ирмос:** Ужасошася всяческая/ о Божественней славе Твоей:/ Ты бо, Неискусобрачная Дево,/ имела еси во утробе над всеми Бога/ и родила еси Безлётнаго Сына,/ всем воспевающим Тя// мир подавающая.

**Припев:** Пресвятая Богородице, спаси нас.

**Богородице рече:** Разумѣти не могу твоих словес известия: чудеса бо быша множицею, Божественною силою чудодѣствуема, знаменія и образы законнии, роди же Дѣва неискусомужне никогдаже.

**Ангел возопи:** Дивит, Всенепорочная, и странно бо чудо Твое, едина бо Ты всех Царя приѣмши во утробе, воплощаема, и Тя прообразуют пророческая реченія, и гаданія, и законнии образы.

**Богородице рече:** Всѣми Невместимый и всѣми Невидимый, како Сей может во чреве девиче вселитися, еже Сам созда? Како же и зачну Бѣга Слова, собезначальна Отцу и Духу?

**Ангел возопи:** К Твоему праотцу Давиду обещахся посадити от плода Твоего чрева на престолѣ царства Его, Иаковлю Тя доброту, едину избрѣ в словесное селение.

**Ин канон, Великой Субботы.**

**Припев:** Слава Тебѣ, Бѣже наш, слава Тебѣ.

**Новотвориши** земныя Создателю, перстен быв, и плащаница и гроб являют еже в Тебѣ, Слове, таинство: благообразный бо советник, Тебѣ рождаго совет образует, в Тебѣ велелепно новотворящаго мя.

**Смертию** смертное, погребением тленное прелагаеши, нетленно твориши бо, боголепно безсмертно творя прїятіе: плоть бо Твоя истления не виде, Владыко, ниже душа Твоя во аде страннолепно оставлена бысть.

**Из** Небратныя прошед, и прободен в ребра, Содетелю мой, из Нея соделал еси обновленіе Евино, Адам быв, уснуv паче естества сном естественным, и жизнь воздвигнув от сна и тления, яко Всесилен.

**Катавасія:** Богоявленія Твоего, Христѣ, / к нам милостивно бывшаго, / Исаія Свет виде невечерний, / из нощи утреневав взываше: / воскреснут мертвии, и востанут сущиіи во гробѣх, // и вси земнороднии возрадуются.

## Песнь 6

**Ирмос:** Возопи, прообразуя погребеніе тридневное, / пророк Иона, в ките моляся: // от тли избави мя, Иисусе, Царю сил.

**Припев:** Пресвятая Богородице, спаси нас.

**Богородице рече:** Глагол твоих, Гаврииле, глас радованен приѣмши, веселія Божественнаго исполнихся: радость бо повѣдаеши и веселіе возвещаеши безконечное.

**Ангел возопи:** Тебѣ дадѣся радость, Богомати Божественная, Тебѣ, еже радуйся, вся тварь вопіет, Богоневѣсто: Ты бо едина Мати Сына Бѣжия пронаречеся, Чистая.

**Богородице** рече: Ёвы Мною ны́не да упразднится осуждѣние, да возда́тся Мною долг днесъ, Мною заимствование дрѣвнее да да́тся преисполнено.

**А́нгел** возопи: Обеща́ся Бог Авраа́му праотцу благословѣтися в се́мени его́ язы́ком, Чи́стая, Тобо́ю же ко́нѣц обеща́ние прѣмлет днесъ.

**Ин канон, Великой Субботы.**

**Припев:** Сла́ва Тебе́, Бо́же наш, сла́ва Тебе́.

**Би́ен** был еси́, но не раздели́лся, еси́, Сло́ве, ея́же причасти́лся еси́ плоти́: а́ще бо и разори́ся Твой храм во вре́мя стра́сти, но и та́ко еди́н бе соста́в Божества́ и плоти́ Твоея́. Во обои́х бо еди́н еси́ Сын, Сло́во Бо́жие, Бог и Чело́вѣк.

**Человекоуби́йственно**, но не богоуби́йственно бысть прегрѣше́ние Ада́мово: а́ще бо и пострада́ Твоея́ плоти́ пе́рстное существо́, но Божество́ безстра́стно пребы́сть: тле́нное же Твое́ на нетле́ние преложи́л еси́, и нетле́нныя жи́зни показа́л еси́ Исто́чник воскресе́нием.

**Ца́рствует** ад, но не ве́чнует над ро́дом чело́вѣческим: Ты бо положи́ся во гробе́ держа́вне, Живонача́льною длáнию, сме́рти ключи́ разве́ргл еси́, и пропове́дал еси́ от ве́ка та́мо спя́щим изба́вление нелóжное, быв Спа́се ме́ртвым Пе́рвенец.

**Катавасия:** Я́т бысть,/ но не удержа́н в пе́рсех кѣтовых  
Ио́на:/ Твой бо о́браз нося́,/ страда́вшего, и погребѣ́нию  
да́вагося,/ я́ко от черто́га от зве́ря изы́де./ Приглаша́ше  
же кустоди́и:/ храня́щии сýетная и лóжная,// ми́лость сию́  
оста́вили естé.

**Кондак, глас 8:**

**Взбра́нной** Воево́де победи́тельная,/ я́ко изба́вльшеся  
от злых,/ благода́рственная воспису́ем Ти раби Твои,  
Богородице,/ но, я́ко иму́щая держа́ву непобеди́мую,/ от  
вся́ких нас бед свободи́, да зове́м Ти:/ ра́дуйся, Невéсто  
Неневéстная.

**Икос:**

**А́нгел** предста́тель с Небесе́ по́слан бысть рещи́ Богородице:  
ра́дуйся! и со безплóтным гла́сом воплоща́ема Тя зря, Го́споди, ужаса́-  
шеся и стоя́ше, зовы́й к Ней такова́я:

Ра́дуйся Ё́юже ра́дость возсия́ет;

ра́дуйся, Ё́юже кля́тва исче́знет.

Ра́дуйся, па́дшаго Ада́ма воззва́ние;

ра́дуйся, слез Ё́виных изба́вление.

Рáдуйся, высотó неудобовосходíмая челове́ческими по́мыслы;  
ра́дуйся, глубино́ неудобозрíмая и А́нгельскима очíма.

Рáдуйся, я́ко еси́ Царе́во седа́лище;

ра́дуйся, я́ко но́сиши нося́щаго вся.

Рáдуйся, звездó, явля́ющая Со́лнце;

ра́дуйся утробó Божéственного воплоще́ния.

Рáдуйся, Ё́юже обновля́ется тварь;

ра́дуйся, Ё́юже покланя́емся Творцу́.

**Рáдуйся, Невéсто Неневéстная.**

### Песнь 7

**Ирмос:** Не послужи́ша тва́ри Богому́дрии/ па́че Созда́вшего,/ но, о́гненное преще́ние му́жески попра́вше,/ ра́довахуся, пою́ще:// препе́тый отце́в Госпо́дь и Бог, благословéн еси́.

**Припев:** Пресвятая Богородице, спаси нас.

**Богоро́дице рече́:** Свет невеще́ственный пове́дая, в веще́ственне телеси́ совокупля́емь за милосе́рдие мно́гое, све́тлое Благове́щение, Божéственная пропове́дания, ны́не взыва́еши Ми: благословéн, Всечи́стая, Плод Твоего́ чре́ва.

**А́нгел возопи:** Ра́дуйся, Влады́чице Де́во, ра́дуйся, Пречи́стая, ра́дуйся, приятелище Бо́жие, ра́дуйся, све́щнице Све́та, Ада́мово воззв́ание, Ё́вы избавле́ние, горó святая́, прея́вственное свяще́ние и черто́г безсме́ртia.

**Богоро́дице рече́:** Ду́шу очисти́, те́ло освяти́, це́рковь сотвори́ Мя вме́стителю́ Бо́га, ски́нию Богоукра́шену, одушевле́н храм на́йтием Пресвята́го Ду́ха и Жи́зни Чи́стую Ма́терь.

**А́нгел возопи:** Я́ко многосве́тлую свещу́ и Богоде́ланен черто́г, ви́жу Тя ны́не, я́ко злат киво́т, зако́на Подáтеля приими́, Богоневéсто, благоизво́лившаго челове́ческое изба́вити Тобо́ю тле́нное существó.

**Ин канон, Великой Субботы.**

**Припев:** Сла́ва Тебе́, Бо́же наш, сла́ва Тебе́.

**Уязви́ся ад, в се́рдце прие́м Уязвеннаго копи́ем в ре́бра, и воздыхáет огне́м Божéственным иждива́емь, во спасе́ние нас пою́щих: Изба́вителю Бо́же, благословéн еси́.**

**Богáт гроб, в себе́ бо при́йм я́ко спя́ща Содéтеля, жи́зни Божéственное сокрови́ще показáся, во спасе́ние нас пою́щих: Изба́вителю Бо́же, благословéн еси́.**

**Законом** умерших еже во гробе положение, всех приемлет жизнь, и сего источника показует востания, во спасение нас поющих: Избавителю Боже, благословен еси.

**Едино** быше неразлучное, еже во аде, и во гробе, и во Едеме, Божество Христово, со Отцем и Духом, во спасение нас поющих: Избавителю Боже, благословен еси.

**Катавасия:** Неизреченное чудо, / в пещи Избавивый преподобныя отроки из пламене, / во гробе мертв бездыханен полагается, / во спасение нас поющих: / Избавителю Боже, // благословен еси.

### Песнь 8

**Ирмос:** Слыши, Отроковице, Дево Чистая, / да речет убо Гавриил / совет Вышняго древний, истинный: / буди к приятию готова Божию, / Тобою бо Невместимый с человеки поживе. / Тем и, радуясь, вопию: // благословите, вся дела Господня, Господа.

**Припев:** Пресвятая Богородице, спаси нас.

**Отвеща** Девица: Ум всяк побеждается земных, ищущи, яже Мне вещаеши, преславная: слышах твои словеса, но боюсь, ужасаюсь, да не лестию Мя, яко Еву, далече послеси от Бога. Но обаче се вопию: благословите, вся дела Господня, Господа и превозносите Его во веки.

**Глаголет** к сим Гавриил: Се Тебе недоуменное разрешися, добре бо рекла еси, вещь неудобопостижна. Словесем Твоих устен повинующися прочее, не сумнися, яко лести, якоже вещи, веруй. Аз бо, радуясь, вопию: благословите, вся дела Господня, Господа и превозносите Его во веки.

**Непорочная** абие глаголет: Закон сей от Бога есть человеком, от общия любви рождество происходит. Не вем супруга сласти всеконечно, како, убо глаголеши, яко рожду? Боюсь, еда ли лести глаголеши? Но обаче се вопию: благословите, вся дела Господня, Господа и превозносите Его во веки.

**Ангел** паки глаголет: Глаголы, яже мне вещаеши, Чистая, обычая есть рождества человеков смертных, истинно Бога Тебе обещаваю, паче слова же и смысла воплощаемая, яко весть, из Тебе. Темже и, радуясь, вопию: Благословите, вся дела Господня, Господа и превозносите Его во веки.

**Рече** Дева: Являеши Мне истины вещатель, радости бо общия пришел еси благовестник. Душу убо очисти с телом, и по глаголу твоему буди Мне, да вселится Бог в Мя, к Немуже вопию с тобою: благословите, вся дела Господня, Господа и превозносите Его во веки.

Ин канон, Великой Субботы.

**Припев:** Слава Тебѣ, Бѣже наш, слава Тебѣ.

**Разрушійся** Пречістый Храм, падшую же совозставляет скінію: Адаму бо первому Второй, Иже в вышних живый, сниде даже до адовых сокровищ. Егѣже ѡтроцы благословите, священницы воспойте, людие превозносите во вся вѣки.

**Престѣ** дерзость учеников, Аримафѣй же изрядствует Иѣсиф: мѣртва бо и нага зря над всѣми Бѣга, просит и погребѣет, зовый: ѡтроцы благословите, священницы воспойте, людие превозносите во вся вѣки.

**О** чудес новых! О благодати! О неизреченнаго терпѣнія! Волею бо под землѣю печатлѣется, Иже в вышних живый, и яко льстец, Бог оклеветается. Егѣже ѡтроцы благословите, священницы воспойте, людие превозносите во вся вѣки.

**Хвалімъ,** благословімъ:

**Катавасія:** Ужасніся бояйся нѣбо,/ и да подвижатся основанія земли:/ се бо в мертвецѣх вменяется в вышних живый,/ и во гроб мал страннопріемлется./ Егѣже ѡтроцы благословите, священницы воспойте, // людие превозносите во вся вѣки.

**Честнейшую:** не поем, но по осмой песни абие диакон:

**Благовествуй,** землѣ, радость велию, хвалите, Небеса, Бѣжию славу.

### Песнь 9

**Ирмос:** Яко одушевленному Бѣжию Кивѣту,/ да никакоже коснется рука скверных,/ устне же верных Богородице немолчно,/ глас Ангела воспевающе, с радостию да вопиют:// радуйся, Благодатная, Господь с Тобѣю.

**Припев:** Благовествуй, землѣ, радость велию,/ хвалите, Небеса, Бѣжию славу.

**О**троковице, Ты бо в рождествѣ матерскаго избежала еси тленнаго естества и превышши сущи. Тѣмже достойно слышиши: радуйся, Благодатная, Господь с Тобѣю.

**Како** точиши млеко, Дѣво Чистая, не может изрещи языкъ зѣмлен, странну бо естества показуеши вещь, законнаго рождества уставъ преходиши. Тѣмже достойно слышиши: радуйся, Благодатная, Господь с Тобѣю.

**Тѣйно** во священных писаниих глаголася о Тебѣ, Мати Вышняго, лѣствицу бо древле Иаков, Тя образующую, видев, рече: степень

Божия сия. Тѣмже достойно слышиши: радуйся, Благодатная, Господь с Тобою.

**Ч**удное священноявленному Моисею купина и огонь показá чúdo, ищай же концá в прехождѣнии времѣн, во Отроковице чистей, речѣ, узрю. Ёйже, яко Богородице, да речѣтся: радуйся, Благодатная, Господь с Тобою.

**Д**аниил Тя гóру наречѣ мысленную, родительницу же Божию Исаия, видит же, яко руно, Гедеон, Давид же священіе глаголет, дверь же Тя ин. Гавриил же Тебѣ взывает: радуйся, Благодатная, Господь с Тобою.

**Ин канон, Великой Субботы.**

**Припев:** Слава Тебѣ, Боже наш, слава Тебѣ.

**В** страннем Твоем рождествѣ, болѣзней избежавше паче естества, ублажѣхся, Безначальне Сыне: ныне же Тя, Боже Мой, бездыханна зрящи мѣртва, оружіем печали растерзаюся люте; но воскресни, яко да возвеличуся.

**З**емля покрывает Мя хотяща, но устрашаются áдовы вратницы, одѣяна видяще одеждою окровавленою, Мати, отмщѣнія: враги бо Крестом поразив яко Бог, воскресну паки, и возвеличу Тя.

**Д**а радуется тварь, да веселятся вси земнороднии, враг бо пленися ад: с мѣры жены да сретают, Адама со Евою избавляю всеродна, и в третій день воскресну.

**Катавасия:** Не рыдай Менѣ, Мати,/ зрящи во гробѣ,/ Егóже во чрѣве без сѣмене зачала еси Сына:/ востану бо и прославлюся,/ и вознесу со славою непрестанно, яко Бог, // вѣрою и любóвию Тя величающія.

**Ектенія малая.**

**Таже диакон глаголет во глас 2:**

**Свят Господь Бог наш.**

**Лик:**



**И на кийждо стих такожде.**

**Стих:** Яко Свят Господь Бог наш.

**Стих:** Над всеми людьми Бог наш.

**Посем светилен праздника:**

**А**нгельских сил Архистратиг послан бысть от Бога Вседержителя к Чистей и Деве благовестити странное и неизреченное чудо: зане Бог, яко Человек, из Нея младодействуется без семени, назидаяй весь человеческий род. Людие, благовестите обновление мира.

**Слава, и ныне, ин светилен.**

**Е**же от века днесь познавается таинство Божие: Бог Слово Сын Девы Марии за милосердие бываает, и радость благовещения Гавриил провещаваает. С нимже возопиём Ей: Радуйся, Мати Господня.

**На хвалитех:** Всякое дыхание: **во глас 2. И поставим стихов 6, и поем стихиры Триоди, 3, и праздника, 3.**

**Стих:** Сотворити в них суд написан, / слава сия будет всем преподобным Его.

**Д**несь содержит гроб Содержащаго дланию тварь, / покрывает камень Покрывшаго добродетелию небеса, / спит Живот, и ад трепещет, / и Адам от уз разрешается. / Слава Твоему смотрению, / имже совершив все упокоение вечное, / даровал еси нам, Боже, // всесвятое из мертвых Твое воскресение.

**Стих:** Хвалите Бога во святых Его, / хвалите Его во утверждении силы Его.

**Ч**то зримое видение? / Кое настоящее упокоение? / Царь веков, Иже страстию совершив смотрение, / во гробе субботствует, / новое нам подаё субботство. / Тому возопиём: / воскресни, Боже, судяй земли, / яко Ты царствуеши во веки, // неизмерную имеяй велию милость.

**Стих:** Хвалите Его на силах Его, / хвалите Его по множеству величества Его.

**П**риидите видим Живот наш во гробе лежащ, / да во гробех лежащия оживит. / Приидите днесь иже из Иуды спяща зряще, / пророчески Ему возопиём: / возлег уснул еси яко лев, / кто воздвигнет Тя, Царю? / Но востани самовластно, / давый Себе о нас волею, // Господи, слава Тебе.

Таже стихиры праздника, глас 1.

Подобен: Небесных чинов:

**Стих:** Хвалите Его во гласе трубнем,/ хвалите Его во псалтири и гуслех.

**С** Небесных кругов слетев Гавриил в Назарет,/ прииде к Деве Марии,/ вопия Ей: радуйся!/ Зачнеша Сына, Адама древнейшаго,/ Творца веков и Избавителя// вопиющих Тебе: радуйся, Чистая.

**Стих:** Хвалите Его в тимпане и лице,/ хвалите Его во струнах и органе.

**С**оприсноущное Слово Пребезначальнаго Отца,/ не разлучився Горних,/ ныне предста дольным, ради крайняго благоутробия,/ милость прием, еже на ны поползновения,/ и, Адамову нищету восприем,// вообразися в чуждее.

**Стих:** Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

**Г**авриил, Деве благовестие с Небес принес,/ вопияше: радуйся!/ Зачнеша во чреве Твоем Тобою вместимаго,/ Невместимаго же всеми,/ и раждающая явившися// от Отца прежде денницы возсиявшаго.

Глас 8.

**Стих:** Благовестите день от дне/ спасение Бога нашего.

**Д**а веселятся Небеса, и радуется земля,/ ибо Отцу Соприсноущный, Собезначальный и Сопрестольный,/ щедротство приемь и человеколюбную милость,/ Себе постави во истощание/ благоволением и советом Отчим/ и во утробу вселися Девичу, предочищенную Духом./ О, чудесе! Бог в человецех,/ Невместимый в ложеснах, Безлетный в лето,/ и еже преславнее, яко и зачатие безсеменно,/ и истощание несказанно, и таинство елико./ Бог бо истощавается, и воплощается, и зиждется,/ Ангелу к Чистей зачатие глаголавшу:/ радуйся, Обрадованная, Господь с Тобою,// имеяй велию милость.

Слава, глас 6:

**Д**не́шний день та́йно вели́кий Моисе́й прообразова́ше, глаго́ля:/ и благослови́ Бог день седмы́й,/ сия́ бо есть благословенная суббо́та./ Сей есть упоко́ения день,/ во́ньже почи́ от всех дел Свои́х Единоро́дный Сын Бо́жий,/ смотре́нием е́же на смерть,/ плоти́ю суббо́тствовав;/ и во е́же бе, па́ки возвраща́ясь воскресе́нием,/ дарова́ нам живо́т ве́чный,// я́ко Еди́н Благ и Человеколю́бец.

И ныне, глас 2:

**П**реблагословенна еси, Богоро́дице Де́во,/ вопло́щшим бо ся из Тебе́ ад плени́ся,/ Ада́м воззва́ся,/ кля́тва потреби́ся,/ Е́ва свободи́ся,/ смерть умертви́ся и мы ожи́хом./ Тем воспева́юще вопи́ем:/ благословен Христо́с Бог,// благоволи́вый та́ко, сла́ва Тебе́.

**ы и при пении:** Преблагословенна еси́: Царскими вратами исходит с прочими клириками на средину храма к Плащанице и возглашает:

Сла́ва Тебе́, показавшему нам свет.

Лик поет великое славословие.

В конце же славословия высочайшим гласом:

**С**вяты́й Бо́же, Святы́й Кре́пкий, Святы́й Безсме́ртный, поми́луй нас.

Во время пения славословия предстоятель кадит с диаконом окрест Плащаницы. Егда же певцы поют заключительное **Святы́й Бо́же:** предстоятель возьмет с Плащаницы Евангелие, полагает его себе на главу, а поверх него Плащаницу, юже поддерживают прочие священники. И обносят Плащаницу вокруг храма при многократном пении **Святы́й Бо́же:**

При входе в храм Плащаницу подносят к Царским вратам, и предстоятель возглашает: **Прему́дрость, прости.**

И абие поем тропарь, глас 2:

**Б**лагообра́зный Ио́сиф,/ с дрéва снем Пречи́стое Тéло Твое́,/ Плащани́цею чи́стою обви́в,// и воня́ми во грóбе но́ве покрыв положи́.

Таже чтец глаголет:

**Т**ропа́рь проро́чества, глас вторы́й: **С**одержа́й концы́, грóбом содержа́тися изво́лил еси́, Христé, да от а́дова поглоще́ния изба́виши челове́чество, и воскрeс оживи́ши нас, я́ко Бог Безсме́ртный.

**Слава:** И воскрес оживиши нас, яко Бог Безсмертный.

**И ныне:** Содержай концы, гробом содержишься: (весь тропарь)

**Диакон:** Вонмем.

**Чтец:** Прокимен, глас четвертый:

**Воскресни, Господи, помози нам/ и избави нас Имене ради Твоего.**



**Стих:** Бóже, ушима нашими услышахом, и отцы наши возвестиша нам.

**Диакон:** Премудрость.

**Чтец:** Пророчества Иезекиилева чтение.


**Диакон:** Вонмем.

(И читается паремия Триоди)

**Диакон:** Вонмем.

**Чтец:** Прокимен, глас седьмой:

**Воскресни, Господи Бóже мой, да вознесется рука Твоя,/ не забуди убогих Твоих до конца.**



**Стих:** Испове́мся Тебе́, Го́споди, всем се́рдцем мо́им, пове́м вся чудеса́ Твоя́.

**Диакон:** Прему́дрость.

**Чтец:** К Коринфяном послáния свята́го апо́стола Па́вла чтéние.

**Диакон:** Во́нмем.

**Чтец:** Бра́тие, мал квас все смешéние квáсит. Очи́стите у́бо вéтхий квас, да бу́дете но́во смешéние, я́коже естé безквáсни: и́бо Па́сха на́ша за ны пожре́н бысть Христóс. Тéмже да прáзднуем не в квáсе вéтсе, ни в квáсе злóбы и лука́вства, но в безквáсиих чистоты́ и и́стины. Христóс ны искупíл есть от клéтвы зако́нныя, быв по нас клéтва. Пíсано бо есть: про́клят всяк ви́сяй на дрéве. Да в язы́цех благословéние Авраáмле бу́дет о Христé Иисúсе, да обетова́ние Ду́ха при́йдем ве́рою.

**Священник:** Мир ти. **Чтец:** И ду́хови твоему́.

**Диакон:** Прему́дрость.

**Чтец:** Аллилу́ия, аллилу́ия, аллилу́ия.

**И поем Аллилу́ия: во глас 5.**



**Чтец же глаголет стихи сия:**

**Стих:** Да воскрéснет Бог, и расточáтся врази́ Его́, и да бежа́т от лица́ Его́ ненави́дящии Его́.

**Стих:** Я́ко исчеза́ет дым, да исче́знут, я́ко та́ет воск от лица́ огня́.

**Стих:** Та́ко да поги́бнут грéшницы от лица́ Бо́жия, а пра́ведницы да возвеселя́тся.

**Посем возглашает диакон:** Прему́дрость, прóсти, услы́шим Свята́го Ева́нгелиа.

**Священник:** Мир всем.

**Лик:** И ду́хови твоему́.

**Священник:** От Матфе́а Свята́го Ева́нгелиа чтéние.

**Лик:** Сла́ва Тебе́, Го́споди, сла́ва Тебе́.

**Диакон:** Во́нмем.

**Священник:** Во ўтрий день, иже есть по пятце, собрашася архиереи и фарисеи к Пилату, глаголюще: Господи, помянухом, яко лстец он рече еще сый жив: по триех днех востану. Повели убо утвердiti гроб до третияго дне; да не како пришедше ученицы Его нощию, украдут Его и рекут людем: воста от мертвых. И будет последняя лесь горша первая. Рече же им Пилат: имате кустодию, идите утвердите, якоже весте. Они же шедше утвердиша гроб, знаменовавше камень с кустодиею.

**Лик:** Слава Тебе, Господи, слава Тебе.

**Таже ектения сугубая:** Рцем вси:

**Посем ектения просительная.**

**И абие диакон возглашает:** Премудрость.

**Лик:** Благослови.

**Священник:** Сый благословен Христос Бог наш, всегда, ныне и присно, и во веки веков.

**Лик:** Аминь. Утверди, Боже, святую православную веру, православных христиан во век века.

**Священник:** Пресвятая Богородице, спаси нас.

**Лик:** Честнейшую Херувим:

**Священник:** Слава Тебе, Христэ Боже, Упование наше, слава Тебе.

**Лик:** Слава, и ныне: Господи, помилуй. (Трижды) Благослови.

**Священник творит отпуст:** Иже нас ради человеков и нашего ради спасения, страшныя страсти и Животворящий Крест, и вольное погребение плотию изволивый, Христос, Истинный Бог наш:


**Лик поет многолетие:** Великаго Господина:

**И бывает целование Плащаницы, а идеже несть Плащаницы, целуют образ.**

**Певцы же поют стихиру, глас 5:**

**Приидите, ублажим Иосифа приснопамятнаго,/ в нощи к Пилату пришедшаго,/ и Живота всех испросившаго:/ даждь ми Сего Страннаго,/ Иже не имеет где главы подклонити;/ даждь ми Сего Страннаго,/ Егоже ученик лукавый на смерть предаде;/ даждь ми Сего Страннаго,/ Егоже Мати зрящи на Кресте висяща,/ рыдаючи вопияше и матерски восклицаше:/ увы Мне, Чадо Моё!/ Увы Мне, Свете Мой и Утроба Моя возлюбленная!/ Симеоном бо предреченное**

в цѣркви днесь собыітся:/ Моѣ сѣрдце ору́жие про́йде,/ но  
в ра́дость воскресѣнія Твоего́ плач преложи́./ Покланя́емся  
Страстѣм Твои́м, Христѣ́,/ покланя́емся Страстѣм Твои́м,  
Христѣ́,/ покланя́емся Страстѣм Твои́м, Христѣ́, // и Свя-  
то́му Воскресѣнію.



## Последование часов

Глаголем часы трипсалмные, поспору. На отпусте первого часа, по обычаю,  
кондак Вбрáнной Воево́де:

На всех часах тропарь праздника, глас 4:

Днесь спасѣнія на́шего главізна, и єже от вѣка та́инства явлѣние,  
Сын Бо́жий, Сын Дѣвы быва́ет, и Гавриїл благодать благовесту́ет. Тем  
же и мы с ним Богоро́дице возопи́м: ра́дуйся, Благодáтная, Госпо́дь с  
Тобо́ю.

Слава: тропарь Великой Субботы, глас 2:

Благообра́зный Ио́сиф, с дрѣва снем Пречі́стое Тѣло Твое́, Плаща-  
ницею чи́стою обві́в, и воня́ми во гробѣ но́ве покрыв положи́.

Кондаки глаголем пременяюще. На 1 и 6 часе – кондак Триоди:

Бѣздну заключи́вый, мертв зрѣ́тся, и сми́рною и плащаницею  
обві́вся, во гробѣ полага́ется я́ко смѣртный Безсмѣртный: жены́ же  
приидо́ша пома́зати Егó ми́ром, пла́чущия го́рько и вопи́ющия: сія суббо́та  
есть преблагословѣ́нная, в не́йже Христос усну́в воскрѣ́снет тридне́вен.

На 3 и 9 часе – кондак праздника:

Вбрáнной Воево́де победі́тельная, я́ко избáвльшеся от злых,  
благодáрственная воспису́ем Ти раби Твои, Богоро́дице, но, я́ко иму́щая  
держáву непобеді́мую, от вся́ких нас бед свободи́, да зове́м Ти: ра́дуйся,  
Неве́сто Неве́стная.



## Последование изобразительных.

**Чтец глаголет:** Во Царствии Твоём помяни нас, Господи, егда приидеши во Царствии Твоём.

**Блажени нищий духом, яко тех есть Царство Небесное.**

**Блажени плачущии, яко тии утешатся.**

**Блажени кротцыи, яко тии наследят землю.**

**Блажени алчущии и жаждущии правды, яко тии насытятся.**

**Блажени милостивии, яко тии помиловани будут.**

**Блажени чистии сердцем, яко тии Бога узрят.**

**Блажени миротворцы, яко тии сынове Божии нарекутся.**

**Блажени изгнани правды ради, яко тех есть Царство Небесное.**

**Блажени есте, егда поносят вам, и изженут и рекут всяк зол глагол на вы, лжуще Мене ради**

**Радуйтесь и веселитесь, яко мзда ваша многа на Небесех.**

**Слава Отцу и Сыну и Святому Духу, и ныне и присно и во веки веков, аминь.**

**Помяни нас, Господи, егда приидеши во Царствии Твоём.**

**Помяни нас, Владыко, егда приидеши во Царствии Твоём.**

**Помяни нас, Святыи, егда приидеши во Царствии Твоём.**

**Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.**

**Стих:** Приступите к Немю и просветитесь, и лица ваша не постыдятся.

**Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоея.**

**Слава: Лик святых Ангел и Архангел со всеми Небесными Силами поет Тя и глаголет: Свят, Свят, Свят Господь Саваоф, исполнь Небо и земля славы Твоея.**

**И ныне:<sup>1</sup> Вѣрую во Единаго Бога Отца, Вседержителя, Творца небу и земли, видимым же всем и невидимым. И во Единаго Господа Иисуса Христа, Сына Божия, Единороднаго, Иже от Отца рождённаго прежде всех век. Света от Света, Бога истинна от Бога истинна, рождённа, несотворённа, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребённа. И воскресшаго в третий день по Писанием. И возшедшаго**

---

<sup>1</sup> Устав полагает расход после изобразительных и до вечерни. Если же расхода нет, то допустимо пропустить чтение Символа веры и петь на отпусте Господи помилуй (З) вместо «Великаго Господина». Вечерню же начать после возгласа чтением «Приидите, поклонимся» [Прим. составителя]

на небеса́, и сидя́ща одесну́ю Отца. И па́ки гряду́щего со сла́вою суди́ти живы́м и ме́ртвым, Его́же Ца́рствию не бу́дет конца́.

**И** в Ду́ха Свята́го, Го́спода, Животворя́щего, Иже от Отца́ исхо́дящего, Иже со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Собо́рную и Апóстольскую Це́рковь. Испове́дую еди́но креще́ние во оставле́ние грехо́в. Ча́ю воскресе́ния ме́ртвых, и жи́зни бу́дущаго ве́ка. Ами́нь.

**О**сла́би, оста́ви, прости́, Бо́же прегреше́ния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни́ и в но́щи, я́же во уме́ и в помышле́нии, вся нам прости́, я́ко Благ и Чело́веколю́бец.

**О**тче наш, Иже еси́ на небесе́х! Да святи́тся Имя Твое́, да прии́дет Ца́рствие Твое́, да бу́дет во́ля Твоя́, я́ко на небеси́, и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

**Священник:** Я́ко Твое́ есть Ца́рство: **Чтец:** Ами́нь.

**И кондак праздника, глас 6:**

**Взбра́нной Воево́де победи́тельная, я́ко изба́вльшеся от злых, благодарственная** воспису́ем Ти раби Твои, Богоро́дице, но, я́ко иму́щая держа́ву непобеди́мую, от вся́ких нас бед свободи́, да зове́м Ти: ра́дуйся, Неве́сто Неневе́стная.

**Таже:** Го́споди, поми́луй. (12)

**Всесвята́я Трои́це, Единосу́щная Держа́во, неразде́льное Ца́рство, всех благі́х Вина́, благоволи́ же и о мне, грешнем: утверди́, вразуми́ се́рдце мое́ и всю мою́ отыми́ скве́рну. Просвети́ мою́ мысль, да вы́ну сла́влю, пою́, и покланя́юся, и глаго́лю: Еди́н Свят, Еди́н Госпо́дь, Иису́с Христо́с, во сла́ву Бо́га Отца́. Ами́нь!**

**Священник:** Прему́дрость.

**Лик:** Досто́йно есть я́ко вои́стинну, блажи́ти Тя, Богоро́дицу, Присноблаже́нную и Пренепоро́чную и Ма́терь Бо́га на́шего.


**Священник:** Пресвята́я Богоро́дице, спаси́ нас.

**Лик:** Честне́йшую Херувім:

**Священник:** Сла́ва Тебе́, Христэ́ Бо́же, Упова́ние на́ше, сла́ва Тебе́.

**Лик:** Сла́ва, и ны́не: Го́споди, поми́луй. (3) **Благослови́.**

**Священник, отпуст:** Христо́с, Истинный Бог наш: **Лик:** Вели́каго Господи́на:



## Последование вечерни во Святую и Великую Субботу

Собравшись в храм, начинаем вечерню сице:

**Диакон возглашает:** Благослови, владыко.

**Священник:** Благословено Царство:

**Лик:** АМІНЬ.

**Чтец:** Слава Тебѣ, Боже наш, слава Тебѣ. **Царю Небесный:** Трисвятое, по Отче наш:

**Священник:** Яко Твое есть Царство:

**Чтец:** АМІНЬ. Господи, помилуй. (12) Слава, и ныне:

**Приидите, поклонимся:** (Трижды) И четет псалом 103.

Посем ектенія великая.

**На Господи воззвах:** поставим стихов 10 и поем стихиры Триоди, 6, и праздника, 4.

Стихиры Триоди, воскресны, глас 1:

**На 10:** Изведи из темницы душу мою/ исповедатися Имени Твоему.

**Вечерняя наша молитвы/ прими, Святый Господи,/ и подаждь нам оставление грехов,/ яко един еси// явлей в мире воскресение.**

**Менѣ ждут праведницы, дондеже воздаси мне.**

**Обыдите людие Сион,/ и обымите его,/ и дадите славу в нем Воскресшему из мертвых:/ яко Той есть Бог наш,// избавлей нас от беззаконий наших.**

**Стих:** Из глубины воззвах к Тебѣ, Господи,/ Господи, услыши глас мой.

**Приидите, людие,/ воспойм, и поклонимся Христу,/ славяще Его из мертвых воскресение,/ яко Той есть Бог наш,// от лести вражия мир избавлей.**

Ины стихиры самогласны, глас 8:

**Стих:** Да бѹдут ѹши Твоѹ/ внѣмлюще гласу молѣния моего.

**Д**несь ад стѣнѹ вопиѣт:/ ѹне мне бѣше,/ аще бых от Марїи Рѹждшагося не приѹл:/ пришѣд бо на мя, державу мою разруши,/ вратѹ мѣдная сокруши:/ дѹши, яже содержѹх прѣжде, Бог сый воскресѣ./ Слава, Гѹсподи, Крестѹ Твоемѹ// и Воскресѣнію Твоемѹ.

**Стих:** Аще беззакѹнія нѹзриши, Гѹсподи, Гѹсподи, кто постоит?/ Яко у Тебѣ очищѣние есть.

**Д**несь ад стѣнѹ вопиѣт:/ разрушися моя власть,/ приѹх Мѣртваго яко Единоаго от умерших:/ сего бо держати отнюд не могу,/ но погубляю с Ним, ѹмиже царствовах:/ аз имѣх мертвецы от вѣка,/ но Сей всех воздвизает./ Слава, Гѹсподи, Крестѹ Твоемѹ// и Воскресѣнію Твоемѹ.

**Стих:** Имене ради Твоего потерпѣх Тя, Гѹсподи, потерпѣ дѹша моя в слово Твое,/ упова дѹша моя на Гѹспода.

**Д**несь ад стѣнѹ вопиѣт:/ пожѣрта моя бысть держава,/ Пѹстырь распѣтся и Адама воскресѣ./ Имиже царствовах, лишихся,/ и яже пожрох возмогий, всех изблевах./ Истоци грѹбы Распныйся,/ изнемогает смѣртная держава./ Слава, Гѹсподи, Крестѹ Твоемѹ// и Воскресѣнію Твоемѹ.

Таже стихиры праздника, глас 4:

**Стих:** От стражи ѹтренняя до нѹщи, от стражи ѹтренняя,/ да уповаѣт Израїль на Гѹспода.

**В** шестый мѣсяц послан бысть Архангел/ к Дѣве Чїстей/ и, радоватися Ей, прирѣк,/ благовѣсти из Неѣ Избавителю проити./ Тѣмже, приѹмши целовѹние,/ зачат Тя, Превѣчнаго Бѹга,/ несказанно благоволившаго вочеловѣчитися// во спасѣние дѹш наших.

**Стих:** Яко у Гѹспода мїлость, и многое у Него избавлѣние:/ и Той избавит Израїля от всех беззаконий его.

**В** шестый мѣсяц: (таяжде стихира)

**Стих:** Хвалите Гѹспода вси языцы,/ похвалите Его вси людіе.

**Я**зы́ка, егѡже не ве́дяше, услы́ша Богоро́дица,/ глаго́лаше бо к Ней Арха́нгел благове́щения глаго́лы,/ отону́ду же ве́рно, при́ймши целова́ние,/ зача́т Тя, Преве́чнаго Бо́га./ Те́мже и мы, ра́дующеся, вопи́ем Ти:/ из Не́я воплоти́выйся непрело́жно Бо́же,/ мир ми́рови да́руй// и душа́м на́шим ве́лию ми́лость.

**Стих:** Я́ко утверди́ся ми́лость Егѡ на нас,/ и и́стина Госпо́дня пребыва́ет во век.

**С**е воззва́ние ны́не яви́ся нам,/ па́че сло́ва Бог челове́ком соединя́ется,/ Арха́нгеловым гла́сом прелесть отгоня́ется,/ Де́ва бо прие́млет ра́дость,/ земна́я бы́ша Не́бо,/ мир разреши́ся пе́рвыя кля́твы./ Да ра́дуется тварь и гла́сы да воспоёт:/ Тво́рче и Изба́вителю наш,// Го́споди, сла́ва Тебе́.

**Слава, глас 6:**

**Д**не́шний день та́йно вели́кий Моисе́й прообразова́ше, глаго́ля:/ и благослови́ Бог день седьмы́й,/ сия́ бо есть благослове́нная суббо́та./ Сей есть упоко́ения день,/ во́ньже почи́ от всех дел Свои́х Единоро́дный Сын Бо́жий,/ смотре́нием е́же на смерть,/ плóтию суббо́тствовав;/ и во е́же бе, па́ки возвра́щся воскресе́нием,/ дарова́ нам живо́т ве́чный,// я́ко Еди́н Благ и Человеколю́бец.

**И ныне, праздника, глас тойже:**

**П**осла́н бысть с Небесе́ Гаври́ил Арха́нгел/ благовести́ти Де́ве зача́тие/ и, прише́д в Назаре́т,/ помышля́ше в себе́, чудеси́ удивля́ясь:/ о, ка́ко в Вы́шних непостижи́м Сый, от Де́вы ражда́ется!/ Име́яй престо́л Не́бо и подно́жие зéмлю/ во утробу́ вмеща́ется Деви́чу!/ На Него́же шестокри́латии и многоочи́тии зре́ти не мо́гут,/ сло́вом еди́ным от Се́я воплоти́тися благоизво́ли./ Бо́жие есть сло́во настоя́щее./ Что у́бо стою́ и не глаго́лю Де́ве:/ ра́дуйся, Благода́тная, Госпо́дь с Тобо́ю;/ ра́дуйся, чи́стая Де́во;/ ра́дуйся, Невесто́ неневёстная,/ ра́дуйся, Ма́ти Живота,/ благослове́н Плод чре́ва Твоего́.

И вход со Евангелием.

**Диакон:** Премудрость, прости.

**Лик:** Свѣте Тѣхій:

Прокимен в сей день не глаголем.

**Диакон:** Премудрость.

**Чтец:** Бытія чтѣніе.

**Диакон:** Вѣнем.

И чтутся zde 15 паремій Триоди, зри наряду.

По 6-й пареміи припеваем ко стихам, от чтеца глаголемым:

Слав - - - но бо про - сла - - ви - ся.

Последний раз чтец поёт сей припев сам, стоя на центре храма.

По 15-й пареміи припеваем сей припев:

Гос - по - да пой - те и пре - воз - но - си - те Е - го во ве - ки.

(по скончании пения чтец припевает подобно)

Ектенія малая, по возгласе поем вместо Трисвятаго:

Е - лицы во Христа крестистесь, во Хрис - та об - ле - кос - те - ся, ал - ли - лу - и - я.

**Таже диакон: Вѣнем.**

**Священник: Мир всем. Чтец: И дѹхови твоємѹ.**

**Диакон: Премѹдрость. Чтец: Прокѣмен, глас пѣтый:**

**Вся землѣ да поклѣнится Тебѣ и поѣтъ Тебѣ, да поѣтъ же  
Имени Твоємѹ, Вышній.**

Вся зем - ля да поклонится Тебе и поет Тебе,

да по - ет же И - ме - ни Тво - е - му, Выш - ний.

**Стих: Воскликните Гѣсподеви вся землѣ, пойте же Имени Егѣ.**

**Таже, прокимен Благовѣщення, глас 4:**

**Благовѣстите день от дне/ спасѣние Бѣга нашего.**

Благовестите день от дне спа - се - ни - е

Бо - га на - ше - го.

**Диакон: Премудрость.**

**Чтец: К** Римляном послания святаго апостола Павла чтение.

**Диакон: В**оннем.

Чтется Апостол Великой Субботы, Рим, зач. 91. Присовокупляется и чтение Апостола праздника, Евр., зач. 306

**Священник: Мир** ти. **Чтец: И** духови твоему.

**Аллилуия: же не глаголет, но абие:**

**Глас седьмой: Воскресни, Б**оже, суди земли, / **я**ко Ты наследиши во всех языцех.

**Лик, тойже:**

Вос - крес - ни, Бо - же, су - ди зем - ли,

я - ко Ты на - сле - ди - ши во всех я - зы -

цех, во всех я - зы - цех.

**И на каждый стих также.**

**Стих: Б**ог ста в сонме богов, посреде же боги разсудит.

**Стих: Д**околе судите неправду, и лица грешников приемлете?

**Стих: С**удите сиру и убогу, смиренна и нища оправдайте.

**Стих: И**змите нища и убога, из руки грешничи избавите его.

**Стих: Н**е познаша, ниже уразумеша, во тьме ходят.

**Стих: Д**а подвижатся вся основания земли. Аз рех: бози есте, и сынове Вышняго вси. Вы же яко человецы умираете и яко один от князей падаете.

**И паки чтец:** Воскресни́, Бо́же, суди́ земли...

**Лик:** ...**Я**ко Ты насле́диши во всех язы́цах.

Тогда иереи и диаконы извлекаются черных одежд и облачаются в белыя.

**Священник:** Прему́дрость, прости, услы́шим Свята́го Ева́нгелия.  
**Мир** всем.

**Лик:** **И** ду́хови твоему́.

**Диакон:** От Матфе́я Свята́го Ева́нгелия чтéние.

**Лик:** Сла́ва Тебе́, Го́споди, сла́ва Тебе́.

**Священник:** Во́нмем.

И читается Евангелие, прежде Великой Субботы (Мф, зач. 115), посем Благовещения (Лк, зач.3).

**Лик:** Сла́ва Тебе́, Го́споди, сла́ва Тебе́.

Таже ектения сугубая: Рцем вси:

И по чину Божественная литургия Великаго Василия.

Вместо же Херувимской песни поется настоящий тропарь, глас 8:<sup>1</sup>

Да молчит всякая плоть челоука,  
и да стоит со страхом и трепетом, и ни  
что же земное в себе да помышляет,

<sup>1</sup> Великий вход совершается перед Святою Плащаницею, где предстоятель возглашает обычное многолетствование.

и ни - что же зем - но - е в се - бе да по - мыш - ля - ет:

Царь бо, Царь бо царст - ву - ю - щих

и Гос - подь, и Гос - подь Гос - под - ству - ю - щих при -

хо - дит за - кла - ти - ся и да - ти - ся,

и да - ти - ся в снадь вер - ным. А - - минь.

Пред - - хо - дят же Се - му ли - цы ан - гель - сти - и

## В Великую Субботу

со вся - ким на - - - ча - лом и влас - ти ю,

мно - го - о - чи - ти - и, мно - го - о - чи - ти - и Хе - ру - ви -

ми, и шес - то - кри - ла - ти - и Се - ра - фи - ми ли - ца за - кры -

ва - ю - ще, и во - пи - ю - ще песнь:

ал - ли - луй - я, ал - ли - луй - я, ал - ли - луй - я.

За Достойно есть: поем ирмос Великой Субботы, глас 6:

**Не рыдай Мене, Мати, / зрящи во гробе, / Егже во чреве  
без семене зачала еси Сына: / востану бо и прослаблюся, / и  
вознесу со славою непрестанно, яко Бог, // верою и любовью  
Тя величающия.**

(В храме Благовещения поется задостойник праздника. Припев: Благовестуй  
земле: и ирмос: Яко одушевленному:)

**Причастен: Воста яко спя Господь, и воскресе, спасаая  
нас. Аллилуия, аллилуия, аллилуия.**

**Таже, причастен праздника: Избра Господь Сиона, и изволи  
его в жилище Себе. Аллилуия, аллилуия, аллилуия.**

По причащении же священник: Спаси Боже, люди Твоя: **Мы же, вместо  
Видехом: поем тропарь во глас 2:**

**Егда снизшел еси к смерти, Животе Безсмертный, /  
тогда ад умертвил еси блистанием Божества. / Егда же и  
умершие от преисподних воскресил еси, / вся Силы Небес-  
ныя взываху: // Жизнодавче Христэ Боже наш, слава Тебе.**

**Посем священник возгласно: Всегда, ныне и присно, и во веки веков!**

**Лик: Аминь. Да исполнятся уста наша:**

**И прочее отпуста.**

**По отпусте же бывает благословение хлеба и вина сице:**

**Диакон: Господу помолимся.**

**Лик: Господи помилуй.**

**Священник молитву: Господи Иисусе Христэ, Боже наш, благо-  
словивый пять хлебов и пять тысяч насытивый, Сам благослови и хлебы  
сия и вино и умножи сия во святем храме сем и во всем мире Твоём, и  
вкушающих от них верныя освяти. Яко Ты еси благословляяй и освящаяй  
всяческая, Христэ Боже наш, и Тебе славу возсылаем, со Безначальным  
Твоим Отцем, и Всесвятым, и Благим, и Животворящим Твоим Духом,  
ныне, и присно, и во веки веков.**

**Лик: Аминь. Егда снизшел еси к смерти:**

**И бывает расход до полунощницы.**

Вот, как-то так...